

濕熱條辨

痧脹源流

濕熱條辨

南園詩 雪生白著

第一條

濕熱症始惡寒後但熱不寒汗出胸痞舌白口渴不引飲

此條乃濕熱症之提綱也濕熱病屬陽明太陰經者居多中氣實則病在陽明中氣虛則病入太陰病在二經之裏者每兼厥陰風木以少陽

厥陰同司相火陽明太陰濕熱內鬱鬱甚則少
火皆成壯火而表裏上下充斥肆逆故是症最
易耳聾乾嘔發瘧發厥而提綱中不言及者因
以上諸症皆濕熱病兼見之變局而非濕熱病
必見之正局也始惡寒者陽爲濕遏而惡寒終
非若寒傷於表之惡寒後但熱不寒則鬱而成
熱反惡熱矣熱甚陽明則汗出濕蔽清陽則胸
痞濕邪內甚則舌白濕熱交蒸則舌黃熱則液

不升而口渴濕則飲內留而不引飲然所云表者乃太陰陽明之表而非太陽之表太陰之表四肢也陽明也陽明之表肌肉也胸中也故胸痞爲濕熱必有之症四肢倦怠肌肉煩疼亦必並見其所以不干太陽者以太陽爲寒水之府主一身之表風寒必自表入故屬太陽濕熱不必盡從表入故不必由太陽況風寒傷榮衛榮衛乃太陽所司表濕傷肌肉肌肉爲陽明所主

寒濕之屬太陽者以太陽爲寒水同氣相求也
濕熱之屬陽明者以陽明爲中土火化從陽也
濕熱之邪從表傷者十之一二由口鼻入者十
之八九陽明爲水穀之海太陰爲濕土之臟故
多由陽明太陰受病膜原者外通肌肉內近胃
府卽三焦之門戶實一身之半表半裏也邪由
上受直趨中道故病多歸膜原要之濕熱之病
不獨與傷寒不同且與溫病大異溫病乃少陰

太陽同病濕熱乃陽明太陰同病也而提綱中
言不及脈者以濕熱之症脈無定體或洪或緩
或伏或細各隨症見不拘一格故難以一定之
脈拘定後人眼目也

濕熱之症陽明必兼太陰者徒知藏府相連濕
土同氣而不知當與溫病之必兼少陰比例少
陰不藏木火內燔風邪外襲表裏相煽故爲溫
病太陰內傷濕飲停聚客邪再至內外相引故

病濕熱此皆先有內傷再感客邪非由府及藏
之謂若濕熱之症不挾內傷中氣實者其病必
微或有先因於濕再因飢飽勞役而病者亦屬
內傷挾濕標本同病然勞倦傷脾爲不足濕飲
停聚爲有餘所以內傷外感孰多孰少孰實孰
虛又在臨症時權衡矣

第二條

濕熱症惡寒無汗身重頭痛濕在表分宜藿香香薷

羌活蒼朮皮薄荷大力子等味頭不痛者去羌活
身重惡寒濕遏衛陽之表症頭痛必挾風邪故
加羌活不獨勝濕且以祛風 此條乃陰濕傷
表之候

第二條

濕熱症惡寒發熱身重關節疼痛濕在肌肉不爲汗
解宜滑石大豆黃卷茯苓皮蒼朮皮藿香葉鮮荷葉
白通草桔梗等味不惡寒者去蒼朮皮

此條外候與上條頗同惟汗出獨異更加關節疼痛乃濕邪初犯陽明之表故略見惡寒及至發熱惡寒當自罷矣用藥通陽明之表而卽清胃脘之熱者不欲濕邪之鬱熱上蒸而欲濕邪之淡滲下走耳 此乃陽濕傷表之候

第四條

濕熱症三四日卽口噤四肢牽引拘急甚則角弓反張此濕熱侵入經絡脈隧中宜鮮地龍秦艽威靈仙

滑石蒼耳子絲瓜藤海風藤酒炒川連等味

此條乃濕邪挾風邪者風爲木之氣風動則木
張乘入陽明之絡則口噤走竄太陰之經則拘
攣故藥不獨勝濕重用息風一則風藥能勝濕
一則風藥能疎肝也選用地龍諸藤者欲其宣
通脈絡耳

或問仲景治瘧原有桂枝湯加枳實根及葛根
湯二方豈宜於古而不宜於今耶今之瘧者與

厥相連仲景不言及厥豈金匱有遺文耶余曰
非也藥因病用病源既異治法自殊傷寒之瘧
自外來症屬太陽治以散外邪爲主濕熱之瘧
自內出波及太陽治以息內風爲主蓋三焦與
肝膽同司相火中焦濕熱不解則熱甚於裏而
少火悉成壯火火動則風生而筋攣脈急風煽
則火熾而識亂神迷身中之氣隨風火上炎而
有升無降常度盡失由是而形若尸厥正內經

所謂血之與氣并走于上則爲暴厥者是也外
竅經脈則成瘧內并膻中則爲厥瘧厥竝見正
氣猶存一縷則氣復返而生胃津不克支持則
厥不回而死矣所以瘧之與厥往往相連傷寒
之瘧自外來者安有是哉

暑月瘧症與霍亂同出一源風自火生火隨風
轉乘入陽明則嘔賊及太陰則瀉是名霍亂竅
入筋中則攣急流入脈絡則反張是名瘧但瘧

症多厥霍亂少厥蓋瘧症風火閉鬱鬱則邪勢
愈甚不免逼亂神明故多厥霍亂風火外泄泄
則邪勢外解不致循經內走故少厥此瘧與霍
亂之分別也然瘧症邪滯三焦三焦乃火化風
得火而愈熾則逼入膈中而暴厥霍亂邪走脾
胃脾胃乃濕化邪由濕而停留則淫及諸筋而
拘攣火鬱則厥火竄則攣又瘧與厥之遺禍也
瘧之攣急乃濕熱生風霍亂之轉筋乃風來勝

濕痿則由經及臟而厥霍亂則由臟及經而變
總由濕熱與風淆亂清濁升降失常之故夫濕
多熱少則風入土中而霍亂熱多濕少則風乘
三焦而痿厥厥而不反者死胃液乾枯火邪盤
踞也轉筋入腹者死胃液內涸風邪獨勁也然
則胃中之津液所關顧不鉅哉厥症用辛開泄
胸中無形之邪也乾霍亂用探吐泄胃中有形
之滯也然泄邪而胃液不上升者熱邪益熾探

吐而胃夜不四布者風邪更張終成死候不可不知

第五條

濕熱症壯熱口渴舌黃或焦紅發瘧神昏譫語或笑邪灼心胞榮血已耗宜犀角羚羊角連喬生地元參鈎藤銀花露鮮菖蒲至寶丹等味

上條言瘧此條言厥溫邪暑邪本傷陽氣及又熱極逼入榮陰則津液耗而陰亦病心胞受灼

神識昏亂用藥以清熱救陰泄邪平肝爲務

第六條

濕熱症發瘧神昏笑妄脈洪數有力開泄不效者濕熱蘊結胸膈宜倣涼膈散若大便數日不通者熱邪閉結腸胃宜倣承氣微下之例

此條乃陽明實熱或上結或下結清熱泄邪止能散絡中流走之熱而不能除膈中蘊結之邪故陽明之邪仍假陽明爲出路也

第七條

濕熱症壯熱煩渴舌焦紅或縮癰疹胸痞自利神昏
瘕厥熱邪充斥表裏三焦宜大劑犀角羚羊角生地
元參銀花露紫草方諸水金汁鮮薑蒲等味

此條乃瘕厥中之最重者上爲胸悶下挾熱利
癰疹瘕厥陰陽告困獨清陽明之熱救陽明之
液爲急務者恐胃液不存其人必自焚而壞也

第八條

濕熱症寒熱如瘧濕熱阻遏膜原宜柴胡厚朴檳榔
草果霍香六一散蒼朮半夏乾薑藿等味

瘧由暑熱內伏秋涼外束而成若夏月腠理大
開毛竅疎通安得成瘧而寒熱有定期如瘧三
發作者以膜原爲陽明之半表半裏濕熱阻遏
則榮衛氣爭症雖如瘧不得與瘧同治故倣吳
又可達原飲之例蓋一由外涼束一由內濕阻
也

第九條

濕熱症數日後脛中微悶知飢不食濕邪蒙繞三焦
宜藿香葉薄荷葉鮮稻葉鮮荷葉枇杷葉佩蘭葉蘆
尖冬瓜仁等味

此濕熱已解餘邪蒙閉清陽胃氣不舒宜用極
輕清之品以宣上焦陽氣若投味重之劑是與
病情不相涉矣

濕熱初起亦有脛悶懊懣汗出口渴眼欲閉時

詰語濁邪蒙閉清陽在上焦者宜用枳殼桔梗
淡豆豉生山梔涌泄法若投輕劑又與病情不
相合矣此說須與第九第十兩條參看同一邪
在上焦而第九條屬虛此說屬實且同一實症
而第十條邪在中焦此說邪在上焦臨症者當
慎之

第十條

濕熱症初起發熱汗出胸痞口渴舌白濕伏中焦宜

霍梗薏仁杏仁枳殼桔梗鬱金蒼朮厚朴草果半夏
乾薑蒲六一散佩蘭葉等味

濁邪上千則胸悶胃液不升則口渴病在中焦
氣分故多開中焦氣分之藥此條多有挾食者
宜加瓜瓞查肉萊菔子舌根現黃色卽是挾食
症

第十一條

濕熱症數日後自利溺赤口渴濕流下焦宜滑石猪

苓茯苓澤瀉草薢通草等味

下焦屬陰太陰所司陰道虛故自利化源滯則
溺赤脾不轉津則口渴總由太陰濕勝故也濕
滯下焦故獨以分利爲治 此條藥味獨用分
利然症兼口渴胸痞須佐入桔梗杏仁大豆卷
開泄中上源清則流自潔矣不可不知 以上
三條俱濕重熱輕之候

濕熱之邪不自表而入故無表裏可分而未嘗

無三焦可辨猶之河間治消渴以三焦分者是也夫熱爲天之氣濕爲地之氣熱得濕而熱愈熾濕得熱而濕愈橫濕熱兩分其病輕而緩濕熱交合其病重而速濕多熱少則蒙上流下當三焦分治若濕熱俱多則下閉上壅而三焦俱病矣猶之傷寒門二陽合病三陽合病是也蓋太陰濕化三焦火化有濕無熱止能蒙閉清陽或阻於上或阻於中或阻於下濕熱一合則身

中少火悉化爲壯火而三焦相火有不皆起而爲虐者哉所以上下充斥內外煎熬最爲酷烈兼之木火同氣表裏分司再引肝風痙厥立至胃中津液幾何其能供此交征乎至其所以必屬陽明者以陽明爲水穀之海鼻食氣口食味悉歸陽明邪從口鼻而入則陽明爲必由之道路其始也邪入陽明早已先傷其胃液其繼也邪盛三焦更欲取資於胃液司命者可不爲陽

明顧慮哉

或問水火同氣熱甚生風以致痙厥理固然矣然有濕熱之症表裏極熱不痙不厥者何也余曰風木爲火熱引動者原因木氣素旺肝陰先虧內外相引兩陽相煽因而動張若肝腎素優竝無裏熱者火熱安能招引肝風也耶試觀小兒一經壯熱便成痙瘓者以純陽之體陰氣未足故肝風易動也

第十二條

濕熱症舌徧體白口渴濕滯陽明宜用辛開如厚朴
草果半夏乾薑蒲等味

此濕邪極盛之候口渴乃液不上升非有熱也
辛泄太過卽可變而爲熱而此時濕邪尚未蘊
熱故重用辛開使上焦得通津液得下也

第十三條

濕熱症舌根白舌尖紅濕漸化熱餘濕猶滯宜辛泄

佐清熱如蔻仁半夏藟藹蒲大豆卷六一散連翹葉
豆殼等味

此濕熱參半之症而燥濕之中卽佐清熱者亦
所以存陽明之液也○上二條憑驗舌以投劑
極爲臨症時要訣蓋舌爲心之外候濁邪上薰
心肺舌胎因而轉移

第十四條

濕熱症初起卽胸悶不知人瞽亂大叫痛濕熱阻閉

中上二焦宜草果檳榔鮮菖蒲六一散芫荑各重用
或加皂角地漿水煎

此條乃濕熱俱重之候而去濕藥多清熱藥少
者以病邪初起卽閉不得不以辛通散邪爲急
務不欲以寒涼凝滯病機也

第十五條

濕熱症四五日口大渴胸悶欲絕乾嘔不止脈細數
舌光如鏡胃液受劫膽火上沖宜西瓜汁金汁鮮生

地汁甘蔗汁磨服鬱金木香香附烏藥等味

此榮陰素虧木火素旺者今木乘陽明而耗其
津液幸無飲邪故一清陽明之熱一散少陽之
邪不用煎者取其氣之全耳

第十六條

濕熱症嘔吐清水或痰多濕熱內留木火上逆宜溫
膽湯加瓜婁碧玉散等味

此素有痰飲而陽明少陽同病故一以滌飲一

以降逆與上條嘔同而治異正當合參

第十七條

濕熱症嘔惡不止晝夜不差欲死者肺胃不和胃熱移肺肺不受邪也宜用川連三四分蘇葉二三分兩味煎湯呷下卽止

肺胃不和最易致嘔蓋胃熱移肺肺不受邪還歸於胃必用川連以清濕熱蘇葉以通肺胃投之立愈者以肺胃之氣非蘇葉不能通也分數

輕者以輕劑恰治上焦之病耳

第十八條

濕熱症咳嗽晝夜不寧甚至喘不得眠者暑邪入於肺絡宜葶藶六一散枇杷葉等味

人但知暑傷肺氣則氣虛而不知暑滯肺絡則肺實葶藶引滑石直瀉肺邪則病自除

第十九條

濕熱症十餘日大勢已退惟口渴汗出骨節痛餘邪

留滯經絡宜元米湯泡於木隔一宿去木煎飲

病後濕邪未盡陰液先傷故口渴身痛此時救
腋則助濕治濕則劫陰宗仲景麻沸湯之法取
氣不取味走陽不走陰佐以元米湯養陰逐濕
兩擅其長也

第二十條

濕熱症數日後汗出熱不除或瘕忽頭痛不止者漿
液大虧厥陰風火上升宜羚羊角蔓荊子勾藤元參

生地女貞子等味

濕熱傷榮肝風上逆血不榮筋而痙上升巔頂
則頭痛熱氣已退木氣獨張故痙而不厥投劑
以息風爲標養陰爲本

第二十一條

濕熱症胸痞發熱肌肉微疼始終無汗者腠理暑邪
內閉宜六一散一兩薄荷三四分泡湯調下卽汗解
濕病發汗昔賢有禁此不微汗之病必不除蓋

既有不可汗之大戒復有得汗始解之治法臨症者當知變通矣

第二十二條

濕熱症按法治之數日後忽吐下一時竝至者中氣虧損升降悖逆宜生穀芽蓮心扁豆米仁半夏甘草茯苓等味甚者用理中法

升降悖逆法當和中猶之霍亂之用六和湯也若太陰億甚中氣不支非理中不可

第二十三條

濕熱症十餘日後左關弦數腹時痛時圉血肛門熱
痛血液內燥熱邪傳入厥陰之陰宜倣白頭翁法

熱入厥陰而下利卽不圉血亦當宗仲景治熱
利法若竟逼入榮陰安得不用白頭翁湯涼血
而散邪乎設熱入陽明而下利卽不圉血又宜
師仲景治下利詁語用小承氣之法矣

第二十四條

濕熱症十餘日後尺脈數下利或咽痛口渴心煩下
泉不足熱邪直犯少陰之陰宜倣豬膚涼潤法

同一下病有厥少之分則藥有寒涼之異然少
陰有便膿之候不可不細審也

第二十五條

濕熱症身冷脈細汗泄胸痞口渴舌白濕中少陰之
陽宜人參白朮附子茯苓益智等味

此條濕邪傷陽理合扶陽逐濕口渴爲少陰症

烏得妄用寒涼耶

第二十六條

暑月病初起但惡寒面黃口不渴神倦四肢嬾脈沉弱腹痛下利濕困太陰之陽宜倣縮脾飲甚則大順散來復丹等法

暑月爲陽氣外泄陰氣內耗之時故熱邪傷陰陽明消燥宜清宜滋太陰告困濕濁迷漫宜溫宜散古法最詳醫者鑒諸

第二十七條

濕熱症按法治之諸症皆退惟目瞑則驚悸夢惕餘邪內留膽氣不舒宜酒浸郁李仁薑汁炒棗仁猪膽皮等味

滑可去着郁李仁性最滑脫古人治驚後肝系滯而不下始終目不瞑者用之以下肝系而去滯此症借用良由濕熱之邪留於膽中膽爲清淨之府藏而不瀉是以病去而內留之邪不去寐則陽氣

行陰膽熱內擾肝魂不寧用郁李仁以泄邪必用
酒浸者酒入于胃先走于膽也棗仁之酸入肝安
神而製以薑汁者安神而又兼散邪也

第二十八條

濕熱症曾開泄下奪惡候皆平獨神思不清倦語不
思食溺數唇齒乾胃氣不輸肺氣不布元神大虧宜
人參麥冬肉生谷芽川石斛木爪生甘草鮮蓮子等
味

開泄下奪惡候皆平正亦大傷故見症多氣虛之
象理合清補元氣若用膩滯陰藥去生便違

第二十九條

濕熱症四五日忽大汗出手足冷脈細如絲或絕口
渴莖痛而起坐自如神清語亮乃汗出過多衛外之
陽暫亡濕熱之邪仍結一時表裏不通脈故伏非真
陽外脫也宜五苓散去朮加滑石酒炒川連生地苡
皮等味

此條脈症全似亡陽之候獨於舉動神氣得其真情噫此醫之所以貴識見也

第三十條

濕熱症發痙神昏獨足冷陰縮下體外受客寒仍宜從濕熱治只用辛溫之品煎湯薰洗

陰縮爲厥陰之外候合之足冷全似虛寒矣乃諦觀本症無一屬虛始知寒客下體一時營氣不達不但症非虛寒并非上熱下寒之可疑也

仍從濕熱治之又何疑耶

第三十一條

濕熱症初起壯熱口渴脘悶懊懣眼欲閉時詁語濁邪蒙閉止焦宜涌泄用枳殼桔梗淡豆豉生山梔無汗者加乾葛

若病退後脘中微悶知飢不食是餘邪蒙繞上焦法當輕散此則濁邪蒙閉止焦故懊懣脘悶眼欲閉者肺氣不舒也時詁語者邪逼心胞也

若投輕劑病必不除經云高者越之用梔豉湯
涌泄之劑引胃腕之陽而開心胸之表邪從吐
散

第三十三條

濕熱症經水適來壯熱口渴語神昏胸腹痛或舌
無胎脈滑數邪陷榮分宜大劑犀角紫草茜根貫仲
連翹銀花露鮮菖蒲等味

熱入血室不獨婦女男子亦有之不第涼血并

須解毒然必重劑乃可奏功

第三十三條

熱症上下失血或汗血毒邪深入榮分走竄欲泄宜
大劑犀角生地丹皮赤芍連翹紫草茜根銀花等味
汗血卽張氏所謂肌衄也內經謂熱淫
於內治以鹹寒方中當增入鹹寒之味

熱逼而上下失血汗血勢極危而猶不卽壞者
以毒從血出生機在是大進涼血解毒之劑以
救陰而泄邪邪解而血自止矣血止後須進參

清素仙方 三
芪善後乃得

第三十四條

濕熱症七八日口不渴聲不出與飲食亦不卻默默
不語神識昏迷進辛香涼泄芳香遂穢俱不效此邪
入厥陰主客渾受宜倣吳又可三甲散醉地鳖蟲醋
炒鱉甲土炒川山甲生天蟲柴胡桃仁泥等味

暑濕雖傷陽氣然病久不解必及於陰陰陽兩
困氣鈍血滯而暑濕不得外泄遂深入厥陰絡

脈凝滯使一陽不能萌動生氣有降無升心主
阻遏靈氣不通所以神不清而昏迷默默也破
滯通瘀斯絡脈通而邪得解矣

第三十五條

濕熱症口渴胎黃起刺脈弦緩囊縮舌硬詰語昏不
知人兩手搐搦津枯邪滯宜鮮生地蘆根生首烏鮮
稻根等味若脈有力大便不通者大黃亦可加入

胃津劫奪熱邪內據非潤下以泄邪則不能故

海熱卷四
三
倣承氣之例以甘涼易苦寒正恐胃氣受傷胃
津不復也

濕熱條辨終

痧脹源流

沈金鰲撰

痧脹風濕火三氣相搏病也。夫痧脹之病自古已有。痧脹之名自古未立。攷之方書曰乾霍亂曰絞腸痧曰青筋曰白虎症曰中惡。卽皆痧脹之病也。特未專立痧脹之名。而其症亦偶一患之。未如近今之甚耳。故從古患此症者。北方多有。謂之曰青筋症。又曰馬頭瘟。今則南方通行。謂之曰水痧。又曰水傷寒。江浙則爲痧。閩廣則曰瘴氣。其寔一而已矣。惟古已有此病。故凡方書所以治乾霍亂絞腸痧青筋白虎中惡者。皆卽治痧脹之方。藥惟古未立此名。故凡後世焮刮刺等法。及所以治之之方劑。皆自古所未專詳。後之醫者。因得藉口以爲古書之所無。今人自不能治。以致患此症。

者俱束手以視其斃亦可憾矣。雖然，皇古無醫書，自軒岐創法，歷代名人各有撰述，因而一切之病著，一切之治法亦備。痧脹之病，特古未遍行，故治法遂畧耳。迨後世其病既盛，其法又何嘗不有人詳論之耶？且痧脹至今時而始有人詳論，不猶之一切病症亦爲古畧而後詳耶？是亦理有固然，無足怪已。夫所謂今時詳論痧脹者何人？王養吾是也。養吾名凱，毘陵人，精于醫，尤善痧症。曾詳列七十二種正變痧，于康熙年間刻痧症全書行世，而其板惜早湮沒，其書不甚傳。向余于痧脹一症，曾遍稽古方書，言乾霍亂等症者，參以己見，著爲論，後得養吾書讀之，詳盡無遺，仍復理精詞達，雖其言兼症變症、類症、處未免頭緒太煩，然掘抵搜根，發前人所未發，自覺養吾未有書痧症如隱州霧中。養吾既有書痧症如

顯日月照臨中而人皆得共見也。視余向之所論殊爲簡而未該矣。迺即養吾之言最精確者採輯而條貫之以著斯篇。又恐人不知余斯篇之寔本于養吾而反沒養吾也因于此特申之亦不敢掠人之美云爾。且余前言痧脹爲風濕火三氣相搏之病者何也。風爲厥陰風木濕爲太陰濕土火爲少陽相火三氣雜揉清濁不分升降不利遂至胸腹脹急或痛或不痛而痧脹之症以成此則病因之由于內者也。其寔內三經之因其發必由外感而外感必分表裏其始感于肌表人不自知則入半表半裏故胸悶嘔吐腹痛也用焯法可愈不愈以藥治之。宜四號石象方五號觀象方或感于半表裏人自不知則入于裏故欲吐不吐欲瀉不瀉痧毒冲心則心胸大痛痧毒攻腹則盤腸吊痛用放血法自愈不愈以藥治之。宜十四號豐象

方十九號
大畜方

或中于裏人自不知則痧氣壅阻惡毒逆攻心膈立時

發暈氣血不流放之亦無紫黑毒血卽有亦不多此痧毒入深凶

兆也但當審脈辨症風寒暑濕氣血食積痰飲辨其何因治之使

甦令氣血流動然後扶起放痧如不甦急以藥灌之

宜二十一號
暎象方三十

三號巽象方四
十五號蒙象方

如此重症當立時連進湯九方能有救遲則必死

凡痧脹服藥但由痧氣壅盛而無食積瘀血宜冷服若痧氣壅阻

食積而無血瘀稍冷服若痧毒盛而血瘀微溫服若痧入氣分而

毒壅宜刮痧若入血分而毒壅宜放痧其大較也且痧症必分涼

熱如痧犯太陽則頭疼發熱犯少陽則耳旁腫脹寒熱往來犯陽

明則但熱不寒面目如火犯太陰則腹痛身涼犯厥陰則少腹或

脇胸痛亦身涼犯少陰則腰痛亦身涼犯肺則咳嗽痰喘微熱甚

則鼻衄犯心則心痛或心脹頭額冷汗如珠而身或熱或涼犯膀胱則小便血甚則身熱犯大腸則痢膿血嘔吐身熱犯肝則沉重不能轉側。肺熱內熱甚則吐血犯三焦則熱毒內攻口渴便結而身熱此痧犯六經臟腑而寒熱之外現者也。又有痧氣壅盛發爲熱症或熱而不涼或日晡發熱或潮熱往來皆痧毒阻而不通搏擊肌表發而爲熱若誤爲外感傳經熱症發汗溫飲雖漫痧遲緩勢必益盛變出頭汗發狂詬語種種重症不知外感之脈浮數而緊熱症之脈洪數有力痧症之脈終有不同或有可疑須看痧筋有無辨之卽明矣而痧脹又必觀其所起與其所伏蓋痧之發也與中風痰厥昏迷相似若脈不洪滑便有可疑非真痰矣故症或口渴身熱而脈變爲沉遲症或不渴身涼而脈變爲緊數皆爲脈

症不合必取青紫筋色辨之方有確見不得誤認爲中風痰厥昏迷也。且其病源之起伏更有顯然者。如先吐瀉而心腹絞痛其痧從穢氣而發爲多也。先心腹絞痛而吐瀉其痧從暑氣而發爲多也。心胸脘悶痰涎膠結遍身腫脹疼痛難忍四肢不舉舌強不言其痧從寒氣久伏鬱爲火毒而發爲多也。則其源之所在安可不詳審哉。且夫治痧脹與治他症之法異。欲治痧脹必先明乎他症之所以異。何言之如傷寒食未化下之太早反引寒邪入胃變而爲熱熱邪固結所食不能消化乃成結胸若痧症新食固宜以吐爲先至所食既久驟然痧脹雖所食消化未盡下之無害蓋痧脹非有寒邪入胃變成熱結之患但因痧毒在腸胃部分肌肉作腫作脹盤腸絞痛偏及臍腑故外宜用刮放以洩毒于表內可卽下。

以攻毒于裏。則腫脹自消。食積因之通利。原無結胸之可憂也。但下之必兼去食積。又宜以漸而進。中病卽止。痧毒若犯咽喉。則痰喘如錦。先放其痧。急用薄荷牛蒡。童便山豆根之類。以清之。兼用吹藥。宜二十號痧症危急。大便不通。急宜放痧。用藥攻之。宜四十四號未濟方。枚舉兩三端。可見痧與便不通。亦急放痧。用藥分利之。宜四十四號他症之異也。卽或有痧。與他症相兼而發者。亦當首重治痧。兼醫他症。以痧症急。而他症緩也。惟胎前產後有痧。當並重處治。蓋胎前宜補。痧症宜消。產後宜溫。痧症宜涼也。此際最當斟酌。雖然。痧症之發。其表裏寒熱起伏。以及他症同異。固不可忽視。而痧氣侵犯。要必先及十二經。故其發時。每隨所犯之經。而有十二經現症。必明乎此。方可隨症尋經。因經設治。而十二經脈所起。及十二引

經之藥俱不可不知。試條列焉。或腰背顛頂連及風府脹痛難忍。是足太陽膀胱經痧也。其脈起于足小指外側之端。其引經藥黃栢、桑本。或兩目紅赤如桃。唇乾鼻燥。腹中絞痛。是足陽明胃經痧也。其脈起足次指外間。又一支入足中指外間。又一支入足大指端。其引經藥葛根、厚朴、白芷。少用。或脇肋腫脹痛連兩耳。是足少陽胆經痧也。其脈起足四指間。其引經藥柴胡、青皮。或腹脹板痛不能屈伸。四肢無力泄瀉不已。是足太陰脾經痧也。其脈起足大指端。其引經藥酒炒白芍。或心胸吊痛身重難移。作腫作脹。是足厥陰肝經痧也。其脈起足大指叢毛上。其引經藥柴胡、青皮、川芎。或痛連腰與外腎。小腹脹硬。是足少陰腎經痧也。其脈起足小指下。其引經藥獨活、鹽酒。或咳嗽聲啞。氣逆發噎。是手太陰肺經痧。

也。其脈起手大指端。其引經藥。蔥白、桔梗、白芷。少用。或半身疼痛。麻木不仁。左足不能屈伸。是手太陽、小腸經痧也。其脈起手小指端。循外側上行。其引經藥。羌活。少用。或半身脹痛。俯仰俱廢。右足不能屈伸。是手陽明、大腸經痧也。其脈起手食指端。其引經藥。白芷。少用。或病重沈沈昏迷不省。或狂言亂語。不知人事。是手少陰、心經痧也。其脈起手小指內側出其端。其引經藥。獨活、細辛。或醒或寐。或獨語一二句。是手厥陰、心包絡經痧也。又名手心主。其脈起中指端。其引經藥。柴胡、丹皮。或胸腹熱脹。揭去衣被。乾燥無極。是手少陽、三焦經痧也。其脈起手無名指端。其引經藥。川芎。少用。夫既因十二經現症。而知何經之痧。即可因何經之脈所起之處。以施針刺。再用藥治之。寧患痧脹之不愈。或有謂針刺手足無如指。

頂爲妙者。法最簡便。參用可也。然而治痧。莫要于手法。更有不可不明者。手法奈何。不外焮刮放三者而已。蓋痧在肌表。有未發出者。以燈照之。隱隱皮膚之間。且慢焮。若既發出。有細細紅點狀如蚊迹。粒如痞瘰。疎則纍纍密則連片。更有發過一層復發兩三層者。焮法看其頭額及胸前兩邊。腹上肩腰照定。小紅點上以帚撚條。或粗燈草微蘸香油點灼。焮之卽時曝响。焮畢便覺胸腹寬鬆。痛亦隨減。此火攻之妙用也。此焮法也。痧在皮膚之裏。有發不出者。則用刮法。若背脊頸骨上下胸前脇肋兩肩臂灣。用銅錢或碗口蘸香油刮之。若在頭額項後兩肘臂兩膝腕。用棉紗線或苧麻繩蘸香油。覓見紅紫血點起。方止。大小腹軟肉內痧。用食鹽以手擦之。既刮出痛楚亦輕矣。此刮法也。古人云東南卑濕之地。利用

乏所謂針刺出毒者。卽用砭之道也。但今放痧俱用鐵針。輕者一針卽愈。重者數刺不痊。蓋因痧毒入深。一經鐵氣。恐不能解。惟以銀針刺之。庶入肉無毒。又何懼痧患之至深乎。此刺法也。夫治痧之手法。旣明而放痧之要處。宜悉放痧者。卽刺痧也。其可放之處。有十一。在頭頂心百會穴。只須挑破。畧見微血。以洩毒氣。不用針入。二在印堂。頭痛甚者。用針鋒微微入肉。不必深入。三在兩太陽穴。太陽痛甚者。用之。針入一二分許。四在喉中兩旁。惟蝦蟆大頭瘟可用。五在舌下兩旁。惟急喉風喉驚痧可用。急令吐出惡血。不可嚥下。六在兩乳乳頭垂下盡處。是穴。此處不宜多用。不如看有青筋在乳上下者。刺之。七在兩手十指頭。其法用他人兩手。拗下。不計遍數。捏緊近脈息處。刺十指尖出血。一法用綫扎住十指根。

刺指背近甲處出血。隨人取用。若刺指尖太近指甲。當令人頭眩。八在兩臂灣曲池穴。臂灣名曲池。腿灣名委中。先蘸溫水拍打其筋自出。然後迎刺。九在兩足十指頭。與刺手指同法。十在兩腿灣。看腿灣上下前後。有青筋所在。名曰痧眼。即用針迎其來處刺之。如無青筋。用熱水拍打腿灣。直刺委中。便是。惟此穴可深入寸許。或謂刺腿灣痧筋法。細看腿灣上下有筋深青色。或紫紅色者。卽是痧筋。刺之方有紫黑毒血。其腿上大筋不可刺。刺亦無血。令人心煩。腿兩邊硬筋上不可刺。刺之筋吊。臂灣筋色亦如此。辨之。此說參看可也。以上刺痧要處。皆當緊切牢記。總之。凡痧有青筋紫筋。或現于一處。或現于數處。必須用針刺之。去其毒血。然用針必當先認痧筋。醫者不識。孟浪用藥。藥不能到血肉之分。或痧症復

原缺

于血而爲畜爲瘀。凡遇食積痰火氣血。因之阻滯。結聚不散。此所以可畏也。故壯寔者有痧症。忽飲熱酒熱湯而變者。固然。卽虛弱者有痧症。忽飲熱酒熱湯而變者。亦無不然。至如人有雜症兼犯痧脹。是爲雜病變端。亦畏熱湯熱酒。人不知覺。遂遭其禍。則痧症之發。又何論人虛寔乎。夫惟寔者犯之。固當以有餘治。虛者犯之。亦卽以有餘治。蓋其有餘者。非有餘于本原。乃有餘于痧毒也。故藥雖剋削。病自當之中。病卽已于本原。依然無恙。可見治痧之藥。純無補法。痧之有寔無虛也。明甚。然則有手法以洩毒于外。有藥劑以清毒于內。痧不旣治矣乎。乃竟有放血不出。用藥不效者。寧還無法以治之。蓋痧筋隱隱。放之而血不流。卽昏迷不醒。勢在危急。若審其無食積血痰阻滯于中。急用陰陽水。或溫漿水。或晚蚕

沙水或白沙糖梅水。或細辛水。擇一種用之。俟其稍醒。然後扶起。再行別法療治。有因血瘀放之不出者。用桃仁紅花童便之類。有因飲後便犯痧症。多用鹽湯或礬湯冷飲。以吐去新食。食久痧脹。用蘆子山查麥芽消之。有積痧阻。用大黃檳榔驅之。宜用或痰血疑結昏迷欲死。不省人事。用菜油二兩。麝香一錢。調下立醒。如是先去食積血痰之阻滯者。則痧筋自然復現。痧氣自然散行。而後可刮。即刮可放。即放當藥。即藥蓋緣痧症初發未攻壞臟腑故也。總之肌膚痧用油鹽刮之。則毒不內攻。血肉痧看青紫筋刺之。則毒有所洩。腸胃及脾肝腎三陰痧。須辨經絡臟腑在氣在血。則痧氣內攻者可消。可散。可驅。而除其病相也。且凡病用藥得宜。斷無不效。獨痧症竟有得宜亦不效者。何故。夫痧熱毒也。熱毒宜涼。不

宜溫。宜消。不宜補。湯劑入口。必須滯冷。冷則直入腸胃。而肌膚血
肉之間。雖有良劑。安能得至。故治痧者。莫先于刮放也。如刮放而
肌膚血肉之毒已除。後將腸胃肝脾腎之毒。用藥驅之。未有不效
者矣。然有刮放過藥。仍不效。奈何。蓋雖刮而刮有未到。雖放而放
有未盡。則肌膚血肉之毒。猶在。故藥有不效也。若刮已到。放已盡
而痧症猶在。則毒惟在腸胃及肝脾腎三陰經絡。非藥將何以治
之耶。雖然。痧之治法。卽已精詳。而痧之名稱。又當枚舉。蓋痧各有
受病之由。其原雖不離七情六氣。然不盡關七情六氣也。有因糞
穢所觸而發。有因饑飽勞逸而發。有因傳染時行瘟疫而發。痧本
無定脈。凡脈與所患之症。不相應者。卽爲痧之脈。痧亦無定症。或
感風。或感食。或感勞。或感痰。而以本症治之不效者。皆爲痧之症。有其症

卽應有其名。有其名。卽應有其治。故養吾于有所感而獨發爲痧者。定爲正痧三十六症。而以三十六方治之。又以痧之發。或兼他症。或類他症。或變他症。皆有必然之勢。故復卽此而定爲變痧三十六症。而以二十八方治之。總計痧症共七十有二。治痧方六十有四。又以一症有兼用數方者。有一方或可治數症者。有有症而不必用藥。因無方者。其方難於立名。遂取六十四卦象定名。編次蓋以症皆已析。方皆已造。從古無七十二痧之名。亦無六十四方之治也。今得取其方。症而列陳之。曰風痧。頭疼。腿痠。身熱。自汗。咳嗽。腹痛。此因時邪所感。不可同傷風治法。純用疏風。當用刮法。後服藥。宜第一號曰暑痧。頭眩。惡心。自汗。如雨。脈洪。拍拍上吐下瀉。乾象方腹痛。或緊。或慢。宜第二號而亦有暑脹不已者。宜第三號逐象方如竹葉石膏湯六

可○一○散○俱○曰○陰○痧○腹○痛○而○手○足○冷○者○是○也○宜○用○火○燂○或○因○穢○氣○所○觸○
而○致○宜第四號曰○陽○痧○腹○痛○而○手○足○煖○者○是○也○出○血○即○安○或○因○鬱○
氣○不○通○之○故○宜第五號曰○紅○痧○皮○膚○隱○隱○紅○點○如○痞○疹○相○似○痧○在○
肌○表○感○受○雖○淺○熱○酒○熱○湯○亦○不○可○犯○外○用○燂○刮○宜第五號曰○斑○痧○
頭○眩○眼○花○惡○心○嘔○吐○身○有○紫○斑○痧○在○血○肉○急○用○刮○放○遲○則○漸○入○于○
裏○必○生○變○症○宜第六號曰○烏○痧○滿○身○脹○痛○面○目○黧○黑○身○有○黑○斑○毒○
在○臟○腑○氣○滯○血○凝○以○致○疼○痛○難○忍○宜第七號曰○吐○痧○湯○水○入○口○即○
吐○急○用○伏○龍○肝○研○碎○水○泡○澄○清○飲○即○定○若○湯○藥○亦○以○此○水○煎○之○宜
四號否○曰○瀉○痧○水○瀉○不○計○遍○數○不○可○下○不○可○澀○惟○分○理○陰○陽○用○五○
象方苓○散○去○桂○白○朮○換○蒼○朮○加○車○前○木○通○之○類○宜五曰○紫○痧○其○痛○急○雲○
時○暈○倒○不○消○半○刻○即○死○故○曰○紫○若○知○之○者○急○爲○放○血○燂○刮○宜或○可○

救曰慢痧緊痧只在頃刻慢痧十日半月死甚或一月三四月死然亦必速治蓋其死雖遲久則痧毒延蔓腸胃經絡正多凶險如痧毒結滯于身或左右或上下或表裏其在內者先壞臟腑在中者先損經絡在表者先潰肌肉一不治便成死症夫痧之有緊有慢人多不識未能逐症詳明如初犯邪氣勝元氣衰或十日半月一發或一月二月一發久之則日近一日蓋由胃氣本虛故爾數犯當用藥以充其胃氣則毒自解而痧自斷矣並六十四日一時頭眩眼暗昏迷跌倒乃毒痧所攻毒血一冲必至敗壞臟腑其勢甚急不能少延蓋因毒血與食積痰氣結聚心腹胸膈而經絡不轉氣血不通雖放而血不流雖刮而痧不顯治法視其食積痰血氣阻及暑熱伏熱穢氣之類消之散之俟胸膈一鬆則昏迷

自醒然後驗其青紫筋以刺之宜第八號大有方曰絞腸痧心腹

絞切大痛或如板硬或如繩轉或如筋吊或如錐刺或如刀刮痛

極難忍輕者亦微微絞痛脹悶非常放血可愈若不愈必審脈症

何因辨明暑穢食積血瘀氣阻治之須連進數劑俟其少安方可

漸為調理此症多有放血不愈不肯服藥遂致痧毒攻壞腸胃而

死者良可惜哉本症右手脈伏宜放血用第十號簡象方第八號

絞痛口吐痰涎宜先刺指頭出血用十二號既濟方冷痧仁湯調

下并一號乾象方加山豆根茜草金銀花丹參山查蒺子服之安

如盤腸絞痛脈俱伏宜十三號革象方十四號豐象方或飲之稍

愈後復絞痛非常以喊不已宜十五號明夷方十六號師象方必

曰抽筋痧兩足筋抽疼甚忽一身青筋脹起如筋粗必須處處

大放毒血宜十七號曰暗痧心悶不已不食行坐如常即飲溫熱

不見凶處心腹腰背不痛但漸漸憔悴日甚不治亦大害此痧之

慢而輕者放之愈更有頭痛發熱心中脹似傷寒亦有往來寒熱
似瘧悶悶不已又有咳嗽煩悶似傷風有頭面腫脹面目如火有
四肢紅腫身體重滯不能轉側此痧之慢而重者誤吃熱物遂乃
沈重或昏迷不醒或痰喘氣急狂亂如遇此等必當審脈辨症果
係何因在表者刮在中者放在裏者或煎或散或丸須速進數服
俟其少安漸為調理一婦忽不省顏黑左脈洪大右脈沈微此暗
號節象方稍避至五日又刮痧用十八號青象方乃大甦一老
人六月發熱昏迷舌上黑胎芒刺狂罵不已六脈伏此痧之極重
者刺之血不流用十號節象方十九號大畜方稍令飲之又用三
號逐象方次日痧退少甦但身重如石黑胎不退用六號制象方
而痊一婦懷孕失火急下樓墜仆絕聲以驚治不效安胎又不
效明日胎下見已死診之脈伏細按如有一絲但四體溫敷如熱
睡狀急為刺手足血使呻吟投滋痧散遂甦曰悶痧痧毒冲心發
更用十九號大畜方并二十號損象方而痊曰悶痧痧毒冲心發
暈悶地似中風中暑人不知覺即時而斃此痧之急者如畧甦扶

起放痧不愈。審脈用藥。急投滌痧丸。如發暈不甦。扶不起。必須辨
症的確。用藥數劑。灌甦再放痧。再調治。宜十號節象方曰落弓痧。
忽昏不省。或痰喘目上吊。如小兒落弓症。此暗痧難識。必須審脈
辨症。是何痧毒。再看身之涼熱。唇舌潤燥。何如。然後治之。宜十五
方如痧氣未盡。宜二十一號。喉象方加銀花。山查。丹參。藤干。一人
常身熱口微渴。飲熱茶。忽昏迷。迷左尺沈細。動止不勻。右寸浮。扎乃
腎虛而痧犯之。腎水之痧。逆行于肺。故痰氣壅盛。而發暈也。用二
十二號。履象方加貝母。牛膝。入童便。飲之。更用二十三號。中孚方
然後扶起。曰噤口痧。不語。語亦無聲。乃痧氣鬱盛。熱痰上升。阻逆
故痧愈。氣管咽喉閉塞。而然宜先放血。審肺腎脾三經脈。次之推詳餘經。
則知病之所由來矣。一女為後母所晉。痧脹昏沈。不語。左關有力。右
微冷。脈沉。有聲。次日左關弦長。而動益因。怒氣傷肝。痧氣尚阻。肝
經之故。刺委中三針。血出如注。又刺頂心。臂指十餘針。乃用十八
號。貞象方二十四號。漸象方加曰撲驚痧。痰涎壅盛。氣急發喘。喉
元胡索。香附。微溫服之。乃痊。

聲如鋸此三焦命門之痧也。當放臂指腿灣青筋紫黑血不愈服藥。宜十三號革象方二十一號喉象方外吹二蓋此症痛如喉驚狀但喉驚喉內腫脹痧只如喉驚之痛而不腫脹形如急喉風但喉風痛而不移痧則痛無一定且痧有痧筋喉驚則無可辨也。曰角弓痧。心胸脹極痧毒內攻故頭項向上形如角弓反張是臟腑已壞死症也。然反復試驗又得一治法。胸腹脹悶自不必言身難轉側或手足拘攣不能屈伸有時蹠踣有時反張急用毛青布一塊蘸油燒抹其手足拘急處再口含火酒噴其通體少頃定覺舒展鬆動然後用藥或可回生。正十號節象方十一號賁象方之類曰瘟痧。寒氣鬱伏肌膚血肉間至春而發變為瘟症是名瘟痧。又暑熱傷感凝滯于肌膚血內中至秋而發亦名瘟痧。但春瘟痧毒受病者少不相傳。

染時或有之。秋瘟痧毒。受病者多。老幼相傳。甚至一家一方俱犯。其發也。惡寒發熱。或腹痛。或不痛。似瘧非瘧。或氣急發喘。頭面腫脹。胸膈飽悶。或變下痢膿血。輕者牽連歲月。重者危急。一時治宜放血消食。積為主。然後和解清理。宜第九號坎象方二十八錢。白滿痧初起。跌倒牙關緊閉。不省人事。捧心拱起。鼻煽耳鳴。急為大放毒血。宜七號晉象方九號坎象方。曰脫陽痧。小腹急痛。腎縮面黑。氣短出冷汗。名為脫陽。有似發痧。用蓮鬚蕪白三莖。研爛酒四碗。煮一碗。作三服。又炒鹽熨臍下氣海穴。令氣熱自愈。曰羊毛痧。腹脹連背。心或腰胯如芒刺痛。宜用燒酒瓶頭泥。研細將燒酒和成團。帶滾在團上。疼即止。屢用皆驗。曰羊筋痧。腹脹渾身板痛。此與上羊毛痧症。或胸前或腰背。當用小針穿皮。提出筋毛。自愈。只按疼處看其有毫毛。

聚起者便是。

宜淋痧九善
濟消毒飲

曰紫痧痧症不內攻則外潰。即如為

腫為毒之外。又有發為紫痧血者。此真痧之異者也。宜刺腿灣及

手指頭。令出毒血。

宜三十號
井象方

曰瘋痧。曾見一人犯大痲瘋症。眉髮

俱脫。面目頽敗。手足踳攣。遇一老者為之放痧三次。曰痧瘋也。傳

一方。日日服之。以漸而痊。瘋者天地之癘氣。蓋惡毒之氣。纏于血

肉。散于肌表。留于經絡。以成瘋症。最惡候也。痧亦時行惡毒之氣

所鍾。變為大痲。又何疑乎。

老人所傳奇方。金銀花六錢。苦參四錢。牛膝三錢。赤芍紅花。生地各二錢。黃芩

一錢。半皂角刺一錢。水酒各半煎。附氣痧手癢。內癢。痒無此。此

症無藥吃亦不多見。惟有急破去風。刺去皮一法。耳曾見一人遍

身起大痲。其痒無比。用熱水洗之。稍解。嘗欲眠于。曰血痧。胸中脹

悶。飲食俱廢。兩脇疼甚。口中嘗涌出淡紅色血沫。如西瓜瓢。宜州

香為君。所丹陽零香佐以青。曰蛔結痧。痧毒攻胃。故蛔死入于下。

草劉奇奴之類。治之自愈。

腸與宿糞相結。腹中大痛。是爲蛔結。又有痧毒入胃。胃必熱。脹之極。蛔不能存。因而上涌。乘吐而出。或蛔結腹痛。不大便。或入大腸。由大便而出。與傷寒吐蛔伏陰在內者不同。法當清其痧。脹爲主。先用刮放。後服藥。直二十六號豫象方十五號曰銅痧。渾身上下頭面眼珠盡如薑黃色。直視。四肢僵直。六脈似有似無。一時又如沸羹。大小便閉。淹淹欲死。急投滌痧丸。刺指臂。委中。俱令出血。直三十二號曰鐵痧。頭面手足十指如鍋煤色。不治。以週身血凝。隨象方良。聚也。急深刺。委中。令多出黑血。用火酒擦身。法曰痧塊痧毒留于氣分。成氣痞塊。留于血分。成血塊。痛壅于食積。成食積塊。痛蓋因刮放稍愈。痧毒未盡。不用藥消之。故治法在氣分者。用沉香砂仁之類。在血分者。用桃仁紅花之類。由食積者。用枳榔腹子之類。或

氣血俱有餘毒者。兼治之。更兼食積。并治之。又有痧症。不忌食物。痧毒裏食。結成痧塊。兩脇下痛。其痧塊變症多端。故難治。且治痧。唯在初發。若不知。或飲溫熱毒血。凝結。卽慢痧。不至殺人。亦成脇痛。癰之日久。勢必難散。宜二十九號井象方三十三號巽象方與九號坎象方加貝母白芥子七號井象方三十四號曰身重。痧症初發。勢雖凶暴。未必身重。若飲熱湯熱酒。痧毒卽阻塞經絡。血肉之間。偏身重痛。不能轉側。或嘔吐腹脹。脈伏放痧之後。治先消瘀解毒。宜三十五號震人方如痧氣瀦日減再放痧用三十六號巽象方心煩嗜睡。痧氣冲于心胸。故心煩。或嗜睡。此等俱慢痧。若誤以心煩嗜睡治之。必日甚。倘吃溫熱。必日凶。至不起。治法刻血爲主。可不藥而痊。曰偏身青筋。痧發而色如靛。滿身青筋。脹起粗如筋。痛自小腹起。攻上胸脇。困倦不堪。切不可誤認作虛。急刺曲池。

委中出黑血

宜發痧九以火酒下

曰遍身腫脹痧痧者暑熱時疫惡厲之氣

攻于裏則為痰喘為癰血昏迷不省若元氣寔內不受邪即散其

毒于肌膚血肉之表為腫為脹若誤吃熱湯酒便成太害此痧之

暗者宜從脈異處辨

一女手足俱腫將及于腹六脈弦細沈遲此為慢痧變症因不肯放血數日愈腫強之放

二十餘針黑毒血出用十號節象方并散痧解毒消痰順氣葉十

餘帖安一女久生瘰癧腫如鼓手足腫左脈微數右脈散止夫瘰癧毒脈必洪數今脈症不合此慢痧為患也刺腿灣毒筋五針又

刺指頭十餘針用十號節象方並三十六號益象方連進五服乃

以上三十六正痧也試更即三十六變痧述之曰傷寒兼痧凡

傷寒頭痛寒熱諸症或當暑天或觸穢氣或感疫癘忽犯痧脹是

惟認脈看筋辨之必先治痧痧退乃治傷寒若誤食溫熱湯酒生

薑立見凶危

一人傷寒發痧昏沈卧不能轉蓋痧氣冲心故昏迷

无妄方痧退治傷寒而症一太女太陽傷寒治之四日面赤身熱

心胃煩悶六脈洪大無倫此兼痧症也刺青筋一針流紫黑血餘

有細筋隱隱痧氣壅阻之故用三十四號小畜方二帖稍熱次日
筋大見刺九針服二十三號中孚方少安又早飲食復發熱面赤
又刺兩足青筋用小畜方二帖稍痊偶飲溫茶立刻妄言此痧未
盡故故又發耳飲冷井水二碗更服小畜方數帖痧乃清但病久
身虛服參曰痧症類傷寒傷寒集中僅有四症類傷寒至于痧症
其始愈類傷寒此四症尤凶暴而方書不載故醫者不識夫傷寒頭痛惡
寒發熱是太陽經症寒從肌表而入故宜發散若痧症頭痛是痧
毒上攻頭面三陽不因外感其惡寒發熱雖在肌表是時行之氣
所感由呼吸而入搏擊于肌表之中作為毒熱內熱則外寒故亦
惡寒治宜先刺顛頂放痧以洩其毒用藥惟以透竅解毒順氣為
上若誤用麻黃羌活發表太甚反助痧毒火邪勢必惡毒攻冲作
腫作脹立時凶危故痧與傷寒症雖同而治各異要知痧症宜清
涼則痧毒可內解傷寒宜辛散則寒氣可外舒固不可以治痧症

者治傷寒。更不可以治傷寒者。治痧症也。急刺腿灣、指臂及項心。

宜十號節象方三十八號。盛喘方曰傷風咳嗽痧。痧從時氣所感。

三十九號。頭象方四號。否象方曰傷風咳嗽。痧從時氣所感。因而咳嗽。肺經受傷。不可同傷風治。蓋傷風以疏風為主。痧則當

以刮放為先用。藥以清喉順氣。涼肺散痧為上。宜四十號。盛象方

曰咳嗽。嘔噦痧。痧毒之氣上凌肺經。故氣逆發噎。而咳嗽痰涎上

痛。或嘔噦惡心。或面目浮腫。或心胸煩悶。此熱毒入于氣分。痧筋

往往不現。當刮之間。有入血分者。必待痧筋方刺之。急宜清理其

痧毒。若從傷風治。誤矣。宜十號。節象方加重。便微。冷服。又二十號

曰霍亂。痧痛而不吐瀉者。名乾霍亂。毒入血分也。宜放痧。新食宜

吐。久食宜消。食積下結。宜攻痛而吐瀉者。毒入氣分也。宜刮痧。有

痧筋。則放宜。調其陰陽之氣。須知腸胃食積。宜驅不宜止。止則益

痛若吐瀉而後痛者此因瀉糞穢氣所觸宜用藿香正氣散須防
食積血滯或消或攻或活血山藥茯苓不可亂施燥濕之品溫煖
之藥俱在所禁乾霍亂盤腸大痛先放痧後即服藥宜十號節東
功與瀉下丸
妙若上腹大痛吐瀉數十次痛更甚宿食雖吐瀉盡乃毒入血分
血瘀作痛也宜二十七號損象方曰痧痢夏傷于暑秋必瘧痢痢
疾初發必先泄瀉瀉則腸胃空虛虛則易觸穢氣即成痧痛或天
氣炎熱時行疫癘感動腸胃因積而發亦致痧痛夫痢不兼痧積
去便輕若一兼犯勢必絞痛異常止治其痢亦不效或變痢如猪
肝色或如屋漏水或惟紅血水或變噤口不食嘔吐凶危或休息
久痢惟先治痧兼治積則痧消而積易去積去而痧可清矣急宜
刮放宜九號坎象方砂仁湯
下或三十號井象方或更發熱脹悶沈重痢下紫血六脈

洪大不勻。此痧氣不清。毒尚盛也。急刮放重。便飲次以蘇木紅花
苗草五靈脂烏藥香附當歸以導其瘀。曰痧類瘧疾。痧有寒熱往來似瘧。或昏迷沈
重。或狂言亂語。或痰喘不休。或心胸煩悶。叫喊不止。或嘔噦吐痰。
睡卧不安。或大小便結。舌黑生芒。如此重極。脈必有變。不與瘧同。
宜細辨之。一人日晡潮熱昏沈。脈關大。便不通。肺厚舌焦。左脈浮
大。而虛。右脈沈細。而澀。若此。瘧脈不應。血且滯。視其乳
下有青筋。刺出血。用散痧消毒活血之藥。諸症退。又曰瘧疾兼
用劑下九三錢。大便通。惟寒熱未除。用小柴胡湯而愈。曰瘧疾兼
痧。瘧疾連朝間夕。多因暑熱相侵。心中迷悶。或感疫氣。兼犯乎痧。
瘧因痧變。勢所必至。不可慢以爲瘧。而忽視之。瘧猶可延。痧必傷
人。自非先治。痧決難全愈。兼痧之禍。可勝道哉。宜十號節象方
八號大有方又
或有本患瘧疾。日晡寒熱。七八日後。忽壯熱不已。昏沈不醒。左脈
不勻。右脈虛澀。此非瘧脈。乃爲瘧之變症。非痧而何。刺臂出毒血。

不愈服藥

宜五號觀象方加養香葷子厚朴枳榔并四十一號離

用十八號貴象

方次日再刺指頭即觀象方加大黃枳寔俟熱退再

方運動其氣曰頭痛痧痧毒中臟腑之氣閉塞不通上攻三陽

顛頂故痛入腦髓發暈沉重名真頭痛且發夕死夕發且死急刺

破顛頂出毒血以洩氣藥則惟破毒清臟爲主痧毒中臟腑之血

壅瘀不流上冲三陽頭面肌肉故肌肉腫脹目閉耳塞心胸煩悶

急刺破顛頂及其餘青筋藥宜清血分破壅阻爲要氣分宜四十

血分宜先冷服紅花膏子半曰心痛痧痧毒冲心屬之于氣則時

蓋再用四十三號觀象方

疼時止痰涎壅盛昏迷煩悶此其候也治宜刺手臂服順氣藥爲

主痧毒攻心屬之于血則大痛不已昏沈不醒此其候也治宜刺

宜十一號

曰腰痛痧痧毒入腎則

腿灣服活血藥爲主遲則難救屯象方腰痛不能俯仰若誤吃熱湯酒必煩躁昏迷手足搐搦舌短耳聾

垂斃而已。故凡痧中于腎脈，或左尺虛微，右尺洪寔，或兼歇止者，急刺腿灣出黑血。宜二十四號未曰大腹痛痧，痧入大小腸則小腹大痛不止，形如板推絞切不已，治之須分左右。二股屈伸為驗，如小腹大痛，每每左卧，左足不能屈伸，小腸經痧也；或痧筋不現，先服藥。宜四十四號未俟筋現，刺左腿灣二三針，出紫黑血，再服藥。宜二十三號中如大腹大痛，每每右卧，右足不能屈伸，大腸經痧也。急刺右腿灣青筋三四針，出毒血服藥。宜二十二號如夏月不頭疼發熱，但覺小腹痛，或心腹俱痛，脹痞不能屈伸，此皆暑火流注臟腑，故先小腹痛，徧及心腹，急用藥。宜六和湯清解之，或四和散之，或藿香正氣散，加山梔或用炒薑和陰陽水探吐痰涎亦可。曰頭眩偏痛痧，疰氣慢者上升於三陽頭面，常覺頭眩內熱，或半邊頭痛，心煩不安，宜刮痧不愈。

用清熱下氣之劑治之。曰流火。流痰。痧毒。傳遍。不待時。日。朝發於足。而足腫痛。夕發於手。而手腫痛。朝發于肌膚。而紅腫。夕發于裏。而痰喘不休。此等痧。乍隱乍現。乍來乍去。按脈而痧脈又不現。最難識認。如痧毒所流及之處。熱者似流火。而非流火。腫者似流痰。而非流痰。或痒痛不已。或但痛之極。又痧之變者也。欲知此痧。須看病勢凶暴。不比流火。流痰。輕且緩者。驗于痧筋。發現刻之。無疑。然後繩脈所犯風暑濕食痰血氣阻。分治之。斯能有效。一女人足小。腿紅腫。大痛。夜間腹痛。而足痛。止次日。左足小腿紅腫。大痛。腹滿。又止。來去不常。痛無一定。但六脈如常。難據為痧。委中有毒筋。三條。刺之。血甚多。反加痰喘。放痧未盡也。用十六號銀針。方知土貝母三錢。二帖。少愈。次日。又刺左委中。痧筋一條。顯頂一針。用前方加牛膝三錢。痧退。又用二十三號中半方。腫痛俱痊。一人晚間右腿紅腫。痛之已喉旁。腫痛初不覺。其為痧。只見。症見此者。甚多。細看兩臂。痧筋刺出毒血。用十六號師象目。按時氣。痧方傳。山查。腹子加大黃一錢。飲之。食消便下。而安。曰。按時氣。痧。

先痰喘氣急。痧脹因之。先治痰。後治痰氣。無令痧爲本病之助。先
痧脹後痰喘氣急。因之。但治痧而痰氣自愈。若痧有寒熱不清。痰
喘氣急者。兼和解。痧有但熱無寒喘急者。兼消食。順氣有二便不
利。喘急者。有痢膿血。或赤白喘急者。但急攻裏。有瘀血凝滯。小便
利。大便黑。喘急者。當防痧毒攻壞臟腑。不痛者可治。痛不已者。難
治。服藥不應者。必死。一人發熱頭疼。脹悶昏迷。痰喘氣急。六脈無
根。因放痧。用十三號革象方二十號。損柔方
皆冷服。又用四十五號。蒙象方。服平再用一號。乾象方。加青。又連
翹山查。散于熱大黃病。一婦喘急。脹悶刺乳下二針。出紫黑
血。用二十八號。恒象方二帖。愈。一人喘急。發熱身重。腹中絞。曰
痛。刮放不效。用四號。否象方十四號。豐象方。加大黃服之。愈。曰
半身不遂。痧心主血。痧毒中血。分故易攻心。此痧症。所以發昏也。
若慢痧。冲激遲緩。留滯經絡。或左或右。半身疼痛。或麻痺不仁。遂
成半身不遂。總因痧毒爲害也。見有青筋急。宜刺破。乃用藥散毒。

活血消瘀始得愈

宜四十六號換象方

曰：臑脹兼痧，先臑脹，忽痧氣乘之，臑

脹益甚，在臑不可先醫，在痧自宜早治。一人腹脹如鼓，臑突筋青，

心口將平，知為血鼓症。其指頭黑色兼痧無疑，刺二十餘針，腿臂

出血，畧鬆，遂服藥。宜十九號大畜方，臑下青筋漸退，後用鼓脹藥

不復發曰：痧變臑脹，痧者毒也，慢痧之毒，遷延時日，留滯肌膚腸胃

中，若不早治，即成真鼓。一人氣急作脹，胸腹飽悶，臑下青筋突起

針筋淺腹鬆用曰：老病兼痧，先患痰火咳嗽，忽喘急痰涎喉聲如

錘，或頭汗如油，喘而不休，心胸煩悶，莫可名狀，雖是痰火危困，然

有兼感時氣，或觸穢驟然勢盛者，必宜察脈按症，先清痧，次治痰

漸補氣血，斯可耳。一婦素痰火或痰壅喘急六脈雀啄此兼痧症

用四十五號兼象方有救刺出惡血，用散痧消毒，豁痰順氣，兼并

安後惟大補氣血愈

曰：弱症兼痧，先患癆弱，或吐血，或乾嗽，而

額唇口鮮紅。或骨蒸熱。一感時氣。或觸穢。必兼痧症。或霍亂。喉如哽。或心腹脹悶。煩躁發熱。較之平時不足。蓋加此重。此宜先治。痧令痧毒退盡。方治本症。宜十號節象方清茶下。曰內傷兼痧。人有內傷。詎無外感。外感不獨風寒。卽暑熱時疫傳染。穢惡觸犯。一受之。亦如外感。然內傷本病也。外感標病也。內傷兼痧。宜先治痧。次治本病。一老婦奪產。爭鬭發熱。咳嗽止痰。胸中脹悶。知是內傷兼痧。列其內傷二十餘針。與十號節象方少。又用四十七號節象方治六十二號。謙象方并前虛症亦除。曰痧變癆瘵。痧症有忌飲熱湯者。有反喜熱湯者。惟喜飲熱。痧益難辨。慢痧所以漸成癆瘵也。原夫痧毒之始。入于氣分。令人喘嗽吐痰。發熱聲啞。蓋火毒傷肺。肺爲嬌臟。若不知治。變爲百日緊癆。輕亦數年難愈。卒至危亡。入于血分。重者凶變。在節輕者歲月揜延。若乃毒瘀胃口。必須去毒而

愈毒瘰。肝經損壞。內潰吐血數發。勢極凶危。毒瘰心包絡更加凶
險。不待時日。毒瘰腎經。腰脊疼痛。嗽痰咯血。日甚難痊。凡瘰毒遺
患。總成癆瘵。治須識之于始。莫咎厥終。一人瘰瘵。服不服藥。但放瘰
發熱不食。日瘦右關。其繁餘皆數。此內有瘀血。必吐出。方解。用桃
仁蘇木。澤蘭白。萎藜香附。烏藥。煎服。吐出紫黑血。碗許。更用活
血引下藥。加曰瘰變吐血。衄血。便紅。瘰毒冲心。則昏迷。冲肺。則氣
喘。瘰壅甚。則糞血入肝。則胸脇疼痛。不能轉側。甚則血湧吐。出流
于大腸。則大便血。流于小腸。膀胱則小便血。治宜先清瘰毒。順其
所出之路。則氣自順。而血自止矣。一人放瘰。不服藥。變筋骨疼痛。
廿九號。氣已退。尚存瘀血。用三十六號。瘰瘵方。一旬。見瘰瘵大。便
血。令放瘰。用四十八號。同人方。一。女瘰瘵。瘰瘵。血。放瘰。不。愈。月。日
十九號。瘰瘵。方。加。益。母。草。金。銀。花。牛。膝。連。翹。一。日。瘰。變。發。斑。瘰
人。瘰。瘵。鼻。衄。是。瘰。氣。由。血。而。出。也。用。六。號。瘰。瘵。方。一。日。瘰。變。發。斑。瘰
粒。不。過。紅。點。而。已。至。有。渾。身。皮。片。斑。瘰。發。熱。頭。暈。者。宜。五。號。其。有

痧變發黃者邪熱攻乎脾胃而土之本色見于外也脾胃雖屬土
又有濕熱之分蓋脾陰屬己土主燥觀其納甲于離宮可見胃
陽腑屬戊土主濕觀其納甲于坎宮可知一濕一燥濕熱熏蒸如
膏麴之狀故發黃也其方治載銅痧條曰犯痧小便不通痧毒結
膀胱令便溺不利小腹脹痛難忍宜四時號未濟方并發痧共調下丸曰眠目怪
症痧痧者火毒也若犯痧症適與心主之火相合痧毒逆冲須防
攻心之患今少陰心君不受邪逆犯厥陰肝母故兩目紅腫如桃
甚則眼珠突出然他症患目惟在于目若因痧爲患必心中煩悶
而目疾因之不早治則痧毒已參陽位其火炎極輕則壞目重則
殞命治宜先刺巔頂百會穴以洩毒氣用清火活血順氣藥加牛
膝石斛引火歸原良法也若心中煩悶頭眩兩目紅腫大痛眼珠

挂出左目尤甚。至晚即昏沉眩暈。宜五十號復象方加若兩目通

紅。甚至起障生翳。此痧之餘毒在肝。宜五十一號臨象方加燈。曰

痧後牙疳。此痧毒入于胃也。宜五十二號曰痧後胸膈痛。痧毒雖

退。尚留瘀血在胸膈間。是積血作痛也。宜失曰婦女倒經。痧經行

之際。適遇痧發。經阻逆行。或鼻血。或吐紅。肚腹腫脹。臥床不能轉

側。肚腹不痛。亦為暗痧。若痧毒攻壞臟腑者。不治。急放痧。宜五十三號大

壯曰。胎前產後痧。孕婦犯痧。最易傷胎。產後犯痧。須防惡阻。較之

平人更甚。當急救。若暗痧陡發。則胎前痧脈。困于有孕。產後痧脈

雜于惡阻。又無心腹痛。可據。須當究其症候。察其聲色。看有痧筋

急。宜刺破肌膚。痧壅培刮。兼施。至若痧毒橫行。肆攻臟腑。莫可挽

回矣。曰胎前痧痛。毒氣攻冲。絞動。殞命傷胎。豈為細故。至如安胎

用白朮當歸茯苓之類。痧所大忌。以痧脹所宜。惟是破氣破血之味。又胎孕所忌。斟酌其間。活血解毒。用金銀花。益母丹。參紅花。寄生消瘀。而不傷胎元。順氣用香附。陳皮。厚朴。砂仁。烏藥。行氣而不傷胎氣。散痧用防風。荆芥。細辛。透竅而不動胎孕。消食積用山楂。藟子。穀芽。麥芽。寬中而不伐胎性。採擇于中。最爲穩當。然此等藥勢盛。難于速效。權用一二味。尅藥。恐于胎氣有妨。不可不慎。宜五號方曰。產後痧痛。產後用藥。必須溫煖。痧症用藥。惟重清涼。既屬相反。而處治之方。毋執產後一于溫煖。亦毋執痧症一于清涼也。今統製一方。爲臨症之法。散痧用獨活。細辛。破血用桃仁。紅花。順氣用香附。烏藥。陳皮。解毒用金銀花。紫花。地丁。消食用山楂。藟子。神曲。麥芽。如產後常用。薑炭。肉桂。以溫血。是痧症所忌。痧症必用。

荆芥防風以散痧。連翹薄荷以清熱。又產後所不宜也。况痧症脹
極。尤貴大黃枳寔枳榔以通積滯。而產後更不可用。蓋痧而用溫
脹者。益脹。產而用涼。瘵者益瘵。惟取微溫之氣。則兩不相妨。更加
童便以清熱消瘵。豈非良法乎。一產婦三日腹脹絞痛。惡露不通。
非產後本病。脈洪數有力。兼痧無疑。先飲童便一杯。少選刻出毒
血。用二十二號履象方。痧盡惡露行。一婦產八日。惡露太多。忽
寒熱。胃中脹悶。脈洪大無倫。今惡露去盡。此脈不宜放紅紫。痧筋
三條。便不洪大。又刺臂指十餘針。用五十五號需象方。四時病瘵
一婦產六日。身痛寒熱如瘵。昏悶脈歇。止指甲黑。乃瘵。小兒
瘵症也。刺指七針。舌底一針。稍緩用五十六號比象方。愈。小兒
夾驚痧。小兒一時痰涎壅盛。氣急不語。眼目上翻。手足發搐。肚腹
脹滿。誤作驚治不效。看有痧筋。速為出血。額現痧粒。急為火燂。先
令痧退。然後治驚。宜四十五日痘前痧瘵。本先天固時而發。必由
外感如痧。亦時疫之氣所感。作脹作痛。而胎元之毒因之俱發。凡

痘未見點之前。痧脹必心胸煩悶。痰涎壅塞。甚至昏迷不省。此其候也。小兒滑疾之脈。類于痧症。厥厥動搖之脈。雖若疑似難明。然有痧筋可辨。單用藥清之。痧自退。逗自起矣。若逗點既形。觸微痘隱者。痘科自悉不載。一兒痘初發。犯痧。腿灣有痧筋二條。余曰。兩形也。口熱如爐。紅紫之色。熱之盛也。但是痰喘氣急。腿灣痧筋必痘因痧脹而發。治宜先透痧。或兼發痘。用五十七號兌象方一帖。稍冷服。痘乃發。曰痘後痧脹。痘後中氣多虛。有感必傷。一遇暑熱。十二朝而痊。及觸惡。即成痧脹。往往忽然生變。人多誤為惡痘所致。竟不知痧之為害有如此也。宜二十六號豫象方。合二十八號恒象方。曰痘前痘後痧論。凡痘前後見有痧筋。正可辨其為痧。用藥治之。切忌針刺。非不可針也。痘變不常。若一差池。為害不淺。故切忌不可用針也。曰瘡症兼痧瘡痛者。心火血熱所致。故火盛而膿腫作痛。然膿瘡雖痛。必漸漸而



來。非若兼痧之驟。故凡瘡瘍兼痧。其腫痛必多。可畏處。况瘡脈多
洪數。兼痧脈固不同。筋色又可辨。驗不容混也。急刺指頭及頭頂。
宜五十八號。因象方。曰痧變腫毒。痧毒不盡留滯肌肉。腠理間。即
五十九號。萃象方。成腫毒。急先放痧。用解毒散痧藥。以除其根。然後審毒所發。照十
二經絡。臟腑分陰陽。寒熱處治。輕則消重則拓。虛則補。寔則瀉。若
紅腫甚者。屬陽。宜五十九號。萃象方。白色平腫不起發者。屬陰。宜六十號。萃象方。
又有半陰半陽者。宜五十八號。因象方。凡毒穿破後護之。宜貼太乙膏。若腫毒無
膿。止有毒水流出。或膿少血多。須拔去毒水。膿血。宜飛龍奪命丹。研碎些些。填太
乙膏中。毒水。有毒口難收者。收之。宜珍紅玉散。一人發背疽。黑
毒。但貼膏。有。癰疽惡毒。用冷圍藥。而或此疽也。令去圍藥。放痧訖。俟痧氣絕。日
六十號。威象方。溫托之外敷。如前法。另有六十一號。寒象方。溫托
曰。痧後調理。痧退之後。痧氣已絕。氣血虛弱者。急補之。宜六十二號。寒象方。

六十三號
小過方

若屢患痧症者待痧氣既清調理之宜六十四方以上三

十六變痧也列正變之名目攷正變之症狀備正變之方治痧焉
瘦哉痧焉瘦哉以是知養吾之書寔能發前人所未發足爲軒岐
之功臣也余能不祖其說而述之哉

脈法 王養吾曰痧症脈多微緩細澀有時弦數縱浮大亦虛
而無力疾徐不倫或六脈俱伏伏亦無妨鰲按又有或左或右

部伏者痧氣一退脈卽漸還假如頭疼肚熱脈應洪寔而反微遲

者痧也如厥冷不語脈應沈細而反滑數者痧也大抵痧脈與
他脈有異脈症不符便舍症而從脈凡診痧無過此兩言盡矣
且痧之毒氣冲激于經絡血肉之分或脈多洪數或沈緊或大
而無倫或洪寔有力若脈症稍有不合便審痧筋有無有則俟

刮放後再診脈之來復如何。以斷病之寒熱虛實。從治無則憑脈斷其寒熱虛實。用藥如傷寒雜病自有本脈。若一兼痧其脈必變。病必凶暴。然兼痧之脈自可細攷而知也。傷食之痧脈多緊。寒傷血之痧脈多芤。滑傷暑之痧脈多洪。滑而微。疾傷風之痧脈多沈微。觸穢之痧脈多變異。不常傷氣之痧脈多沈伏。或形如雀啄。傷寒濕之痧脈多沈細耳。或有痧脈一似陰症者。尤不可不辨。蓋痧毒之氣阻抑於經絡血肉間。故多沈伏。卽有別病兼痧者亦然。如傷寒脈沈遲無力。是真中三陰經之脈也。治用熱藥固無疑矣。惟傷寒兼痧。痧脈與陰症相似。莫辨一服溫補熱藥。痧毒變幻。悔無及矣。凡臨傷寒症。見有沈微或伏之脈。一似真中三陰經。其外視症候。稍有不合者。便取痧筋驗之。有

則爲痧。無則爲陰症。施治或涼或熱。萬不失一。且刮放服藥之
後。血肉經絡之分。通而無阻。卽按其脈。便不復如前之沈微。或
伏矣。然後按脈辨症。治其傷寒。未有不效者。至如雜病兼痧。有
沈微或伏之脈。亦以此法驗之。誠爲至當不易。是故凡痧察脈。
可決死生。脈微細者生。寔大急數者重。脈洪大無倫者凶。一部
無脈者輕。一手無脈者重。兩手無脈者死。六脈無根。放血服藥。
不應者。不治。諸怪脈現。放血服藥不痛者。死也。總之治病欲辨。
明虛寔寒熱之法。斟酌輕重緩急之宜。惟脈是恃。若諸脈伏。不
可推測。醫者將何以斷驗乎。故必求他症以辨之。方有治法耳。
當諸痛脈伏者。推驗筋之青紫。識其爲痧。卽諸病不痛而脈伏
者。亦必推驗筋之青紫。識其爲痧。蓋因痧毒氣壅血瘀于經絡。

間故爾脈伏若刺放血流氣亦泄毒無壅阻而脈乃復其常至
于重痧傷在三陰針刺有所不到血流有所不盡惟從食積血
痰所阻之毒以治之脈且隨藥而復乃知痧症脈伏反爲平常
事耳。

痧脹原由症治 陶節菴曰濕霍亂死者少乾霍亂死者多以
上不得吐下不得利上下不通腹痛甚而頭疼發熱此爲乾霍
亂也犯此死者多因其所傷之邪不得出壅塞正氣陰陽隔絕
也宜先用吐法再服藥 繆仲淳曰絞腸痧屬胃氣虛粹中天
地邪惡穢污之氣鬱于胸腹間上不吐下不瀉以致腸胃絞痛
異常胸腹驟脹遍體紫黑頭頂心必有紅髮急尋出拔去之急
以三棱銚針刺委中擠出熱血可立蘇次用新汲涼水入鹽兩

許恣飲得吐瀉卽止。委中穴在兩膝下灣橫紋中間兩筋之中。刺入一分。王養吾曰。痛而絞動者。痧毒阻于食積之氣分也。痛而不移者。痧毒壅于血分而有瘀也。發于頭而上部者。痧之毒氣上壅也。纏于手足下部者。痧之毒血下注也。上吐下瀉者。痧氣上下冲激也。煩悶氣脹者。痧氣壅塞于心膈也。惡寒發熱者。痧氣遏抑于肌表也。胸膈偏痛者。痧之毒氣流滯于經絡也。結滯腸胃者。食積瘀血爲腫爲脹也。吐血便血者。痧血泛溢而潰敗也。咳嗽喘急者。痧毒壅于氣分而生痰逆也。立時悶死者。痧之毒血攻心也。手足軟而不能運者。痧入于血分。毒注下部也。腰脇俱痛者。毒阻于血分而有瘀也。半身偏痛者。毒阻于半身而血瘀也。身重不能轉側者。痧之毒血壅瘀不能轉運也。變

成癰毒潰爛者毒血凝滯敗壞肌表也。

以上宜分表裏

又曰痧症之發

未有起于寒者然亦有時爲寒非真寒也蓋因世人知痧之熱

而服大寒之劑以致此夫犯痧症必其無食積血阻于中者方

可服寒飲而得效若一有食積血阻而飲大寒則食不消血不

散積不行痧毒反冰伏凝阻未有得寧者嘗見高岩窮谷中行

旅感受暑氣渴飲澗水而卽死者是名寒痧蓋緣痧毒攻心腹

寒飲太過痧毒反凝結于心胸多致不救也若爲放痧毒血一

行便無阻滯得有其命故方書有服陰陽水者不獨取井水以

此故耳是以久服涼飲之後痧有未痊者又當以微溫之藥施

之畧用三香溫之劑誠爲權宜之術若用桂附乾薑吳萸參

芪之屬則又誤矣又曰治痧當辨身涼身熱身涼而內熱者宜

攻其裡。表熱者。宜透其肌。用藥隨時活變。故不立主方。以上言宜分涼
熱。又曰。痧症危極。昏迷不醒。卽扶不起。呼不應。雖欲刮放。而不得。卽當用藥救之。以期必效。然痧症用藥。必須帶冷。雖未能卽周于肌膚血肉間。其昏迷不省。乃痧之熱毒。冲于心胸。心卽不能自主。而昏迷。若藥帶冷入口。先從胸膈間順流而下。則熱毒之氣。在心膈間者。隨藥而消。故昏者復明。迷者復省。卽有不省者。乃食痰血積所阻。若能攻而下之。未有不省者矣。以上用藥法
又曰。痧脹有一等凶症。心胸高起如鰻頭者。不治。雖曾以升象方治活。一婦人。胸前高突如拳大。堅如鐵石者。亦偶也。背心一點痛者。凶。角弓反張者。死。腰腎一片痛者。死。心胸左右有一點痛者。不治。脇肋痛。四肢腫痛者。難治。鼻如烟煤者。死。舌卷卵縮者。

死。環口。鰓黑者死。頭汗如珠。喘而不休者死。昏迷不省。放痧不
出。服藥不應者死。痧塊大痛。服藥不應者死。此皆寔熱爲害。固
然耳。以上難治症又曰。什景傷寒論中。不及瘟疫。何況後世所云痧
脹乎。夫傷寒原爲傳經熱症。蓋因六氣陰陽同異不齊。風熱火
統乎陽。寒燥濕統乎陰。大抵六氣由表及裡。故云外感。乃肝脾
胃腎與膀胱傳變皆週。而病自解矣。至于痧有由內而出者。有
自外而入者。有無端而起者。或發于臟。何臟受之。或發于腑。何
腑受之。或犯兼症。或犯變症。但止于一經。而不傳。原不拘拘經
之手足也。故內受邪。則爲絞刺。爲脹急。爲悶亂。外顯于症。則爲
癍疹。爲斑黃。爲吐瀉。誠中形外自然之理耳。又曰。河間云。諸熱
皆惡暴瘡。胃味躁擾。狂越。胃罵驚駭。肘腫疼痠。氣逆冲上。噤慄。

如喪神守。噤嘔瘡瘍。喉痺耳鳴。及聲嘔湧。泄食不下。目昧不明。暴注卒瀉。閤蹙暴病。暴死皆屬于火。已上諸症。今時痧脹。十居八九。至如暴病暴死。河間但指中風痰厥。由今觀之。暴病暴死者。於痧脹最爲酷肖。想古時不立痧脹之名。未經說破。故耳。則知痧之屬火。明甚。然火有君相之別。手少陰經。君火也。右腎命門爲手心主。乃手厥陰包絡之臟。經言心之原出于太陵。凡刺太陵次者。所以瀉手心主相火之原耳。又有手少陽三焦合爲表裡。神脈同出。現于右尺一經。代君行令。故相火之爲病居多。皆因火性最烈。其氣上炎。以致三焦阻塞。六脈全乖。昏冒口不能言。痰喘聲如曳鋸。然相火作病。猶有可回。若犯少陰心君。確具死症。則殞在須臾。莫謂醫工藝術之疎耳。又曰。事心師古。何

况于醫丹溪治雜病以氣血痰三者爲先。蓋三者成疾。人身最
多能詳審于三法之間。便可指下奏功。至于痧脹。又何能離此
三者乎。痧有氣塞者。爲喘息。爲脹滿。爲嘔噦。爲頭目脹。其病陣
緊。脈必洪數。屬陽有氣閉者。爲昏冒不語。爲口噤。目翻。不省人
事。上下厥冷。雖痛口不能言。脈必沈伏。屬陰。痧有血熱者。爲煩
躁。爲紫斑。爲頭目赤。爲衄。爲口吐紅沫。脈必寔大。屬陽有血阻
者。腰脇痛。攻心痛。手足青紫。脈必緊而牢。乍大乍小。屬陰。痧有
痰壅者。喉中漚漚有聲。吐咯不出。嘔吐酸水。清涎。脈必弦滑。屬
陽有痰厥者。卒倒僵仆。手足厥冷。肌膚芒刺。遍身青筋。坐卧不
能轉側。脈必微細。似有似無。屬陰。凡氣血痰之爲害于痧。有如
此者。不得謂陽痧則生。陰痧則死也。卽使陰痧。又不比傷寒直

中陰經症可用薑桂參芪也。痧脹有脈伏三日亦得救活者。四肢厥冷。刺血投劑後。即時溫緩者。目閉牙噤。刺血投劑後。即時睜眼認人。而吉其所苦者。醫工能識其竅。則危者立安。失其機。雖得生全者。亦死矣。可不深爲究心。以救人生命乎。以上參集諸家名論
又曰。凡犯痧症。仰卧。將大公雞一隻。放肚上。雞卽伏好。疼止。卽跳下而愈。此法試過亦驗。又法。凡痧症屬肝經者。多肝附于背。第七骨節間。若犯痧。先循其七節骨縫中。將大指甲重掐入。候內骨節响。方止。以鹽塗之。如不响。必將鹽重擦。必使透入。方能止疼。以上數治法又曰。治霍亂腹痛之甚。以新汲水百沸湯各半合。欽之。甚效。蓋上焦主納。中焦腐化。下焦主出。三焦通利。陰陽調和。升降周流。則臟腑暢達。一失其道。二氣滯亂。濁陰不降。清陽

不升故發爲嘔吐霍亂之病。飲此湯卽定者。分理陰陽。使得其平也。此卽無病。凡夏月早起。或卧間用一盞。亦能清暑。調中消食。以上論陰陽凡痧症飲湯藥。云稍冷者。九分冷一分溫也。云微冷者。八分冷二分溫也。云微溫者。冷者四分之三。溫者四分之一也。云冷服者。十分生冷也。云溫者。四五分溫也。以上陽又曰。痛時則不欲飲食。痛後亦有不喜食者。有食而作脹。復痛者。或疑傷寒而飲壞膏。其間飲食最要斟酌。宜忌不可不審也。夫發痧忌熱湯。熱酒。粥湯米食諸物。若飲熱湯酒。輕必變重。重必至危。吃米物恐結成痧塊。日久變生他疾。難于救治。如有食消不殞命者。亦幸耳。故痧病暑熱胸中知餓。設或驟進飲食。卽後痧脹立能變重。必忍耐一二日。乃以萬愈後。

再不復發。以無暈腥故也。今後凡遇痧病得愈者。當知所戒。卽無屢發之患。如傷寒不飲食至一候。兩三候不妨者。以邪氣填胃口也。痧脹十日五日不飲食。亦不妨者。以痧氣滿塞胸膈也。惟俟痧氣盡。然後與之生薑。痧症大忌。切不可泡湯服。或作藥引。犯之必死。今將宜忌食物開列。醫家病家各遵。毋忽。食忌生薑。聚國。眼川椒。胡椒。辣醬。烟茶。酒。滾湯。索粉。醋。麵。筋。猪肉。羊肉。鷄魚。慈蒜。芥菜。瓜茄。菱。糯米。食糖。食桃。梅。李。杏。一切甜物。食宜黑沙糖。芋。苳。食鹽。荸薺。百合。藕。西瓜。燈心湯。山查湯。菜。腹子湯。蘆根湯。陳香。檫湯。陰陽水。然卽所宜。亦必待痛止後。知餓方可吃清水飯湯。如米粥。米糊亦宜少用。且須冷吃。不然則復發。以上食物忌宜。

治痧脹忌宜諸藥

忌藥切勿犯

人參 白朮 山藥 黃芪 熟地 白芍
 甘草 茯苓 楮苓 半夏 白芷 蒼朮
 升麻 肉桂 附子 吳萸 乾薑 生薑
 五味 木瓜 竹瀝 杜仲 杞子 菴荷
 茯神 棗仁 薤白 巴戟 栝子仁 菴荷
 凡治吐症用半夏藿香獨痧症作吐半夏性燥
 須防益助火邪切不可用藿香惟取其正氣以
 治穢濁傷腸胃中有食積瘀血阻滯痧毒味用
 此以止吐反有閉
 門逐盜之憂矣

宜藥須酌用

陳皮 枳殼 荆芥 柴胡 葛根 薄荷
 青皮 枳實 防風 前胡 厚朴 紫蘇
 細辛 獨活 桔梗 香附 鬱金 不香
 砂仁 烏藥 連翹 秦艽 槁子 貝母
 天冬 杏仁 桑皮 赤芍 香櫞 丹參
 山查 紅花 蘇木 桃仁 三稜 義木
 麥芽 神曲 麥冬 牛膝 牛蒡 澤蘭
 蘆子 荷草 銀花 香薷 地丁 甘菊
 青黛 乳香 阿膠 胆星 犀角 天竺黃
 黃沙 沒藥 角列 牛黃 犀角 天竺黃

忌宜相半藥

石膏 龜甲 薑 桑 薑 使 梅花 枳殼 小青草 卽血見愁 紅 莖 子 紫 荆 皮 火 鹿 仁 劉 寄 如 益 母 草 地 骨 皮 穿 山 甲 白 芥 子 元 胡 索 五 靈 脂 痧 症 寒 熱 不 由 外 感 其 毒 從 鼻 吸 而 入 搏 擊 肌 表 羌 活 麻 黃 俱 在 所 禁 如 荆 芥 細 辛 善 能 透 竅 蓋 惡 毒 之 氣 由 竅 而 入 故 用 以 治 痧 亦 由 竅 而 洩 者 防 風 乃 巨 使 之 品 取 爲 透 竅 之 佐 不 比 麻 黃 羌 活 專 主 發 表 反 有 升 發 火 毒 之 慮 也 羌 活 薑 香 檀 香 當 歸 黃 連 元 參 川 芎 沉 香 丁 香 生 地 黃 芩 花 粉 木 通 大 黃 凡 忌 宜 相 半 之 藥 如 必 不 得 已 而 欲 用 之 輕 者 止 可 用 半 分 至 三 分 重 者 亦 只 可 四 五 分 至 錢 許

治痧脹方六十四

一號乾象方

防風 細辛 陳皮 枳殼 旋覆花 荆芥 穗 各 等 分 水 煎 稍 冷 服 頭 面 腫 加 薄 荷 甘 菊 口 渴 加 天 花 粉 手 足 腫 加 威 靈 仙 牛 膝 金 銀 花

腹脹加大腹皮厚朴

吐不止加重便

內熱加連喬知母

血滯加茜草丹皮

痰多加貝母瓜蒌霜

小腹脹痛加青皮

寒熱加柴胡獨活

赤白痢加檳榔

食積腹痛加山查藤子

喉腫加射干山豆根

心痛加莪朮延胡索

觸積加藿香薄荷

瘀血而黑加紅花蘇木

放痧不出加蘇木桃仁倍細辛荊芥 以上加

戒法大同小異餘可類推後不具載

此方端治感冒風成痧之劑

歌曰乾象風痧腹痛頻嗽煩身熱汗頭疼荊防

細壳陳旋獨時氣相干一服寧

二號痧象方

香薷 薄荷 連喬各一錢 金銀花 紫厚

朴 木通各七分 水煎冷服

此方端治傷暑成痧之劑

歌曰暑痧痧象止頭眩自汗如傾吐瀉兼荷

澤荷通車藟朴香薷瓜豆是更須此首歌內有

三號痧象方

香薷 紫蘇 厚朴 山查 枳壳 茂子

陳皮 青皮 等分水煎冷服 汗多者本方

去紫蘇 此方端治暑熱成痧之劑

四號否象方

歌曰 暑服難當逐象名香茹查朴壳陳青更
加服子蘇隨意竹葉石膏湯亦靈
連香 香附各四分 薄荷葉七分 枳壳
此方治陰痧之劑腹瀉而手足冷青是也

歌曰 否象陰痧手足冰腹疼極氣觸而成延
胡壳木查香附砂藿連香薄荷增 此首歌內
有加味

五號觀象方

防風 荆芥各一錢 川芎三分 連香 陳
皮 青皮各八分 水煎稍冷服

食不消加山查腹子 有積加枳榔

心煩熱去川芎加山梔子 痰多加貝母白芥子

氣壅加烏藥香附子 血壅加桃仁紅花

鬱悶不舒加細辛 食積加三稜莪朮

暑熱加香茹厚朴 咳嗽加桑皮馬兜鈴

大便秘加大黃枳寔 小便秘加木通澤瀉

喉痛加薄荷射干牛蒡子去川芎

此方治陽痧之劑腹痛而手足暖者是也

歌曰 觀象陽痧手足溫多因氣鬱痛相等劑

防陳細枳香鬱煩熱梔香藿子青

地骨皮 薄荷 山梔 丹皮 天花粉 元

六號剝象方

參 細辛 各等分水煎稍冷服

此方治退痧熱之劑
歌曰 斑痧剝象是良方嘔吐頭眩發紫斑地
骨硬元花粉細丹
皮薄荷便身涼

七號晉象方

元胡索 蘇木 五靈脂 天仙子各一兩
義木 廣皮 三稜 枳實 厚朴 枳櫛
黃各七錢 烏藥五錢 枳香 沉香各三
錢 阿魏二錢 香附四錢 腹子一兩

水泛丸每十五丸砂仁湯下

此方治食積壅阻痧毒癰痛難忍頭面黑色
手足俱腫胸腹脹悶等症

歌曰 烏痧惡症痛難當晉象九方果是強蘇

木元胡陳附朴蓬稜阿魏廣楫柳靈脂烏藥天
仙子枳實薑黃沉枳枳香水泛為丸如葉豆砂仁

湯送月圓雙月圓

八號大有方

沉香 枳櫛各五錢 荀子 枳實 厚朴各
七錢 山稜 蓬木 天仙子 廣皮各六錢

薏仁 烏藥各四錢 木香三錢 薑黃五錢

水泛丸每三十九丸砂仁湯稍冷服

此方治痧氣急胸腹脹痛迷悶昏沉
歌曰 暈痧大有救昏迷厚朴天仙薏廣皮白

菴薑黃板枳橘蓬陵烏藥

木香齊 丸服法同前

九號坎象方

五靈脂 廣皮各一兩 青皮 天仙子 三
稜 蓬木 黃黃各七分 枳實六錢 菴仁

烏藥各五錢 製法服法同八號 沉香各二錢 阿魏一

錢 此方治治痧症氣壅血阻昏迷不省偏身沉重
不能轉側

歌曰 坎象同前氣阻壅青陳烏藥寔稜蓬仙
靈白菴兼阿魏更有薑黃沉香功

十號節象方

鬱金二錢 細辛一兩 枳實三錢 荆芥五
錢 每末三匙清茶調服

此方通治痧症之仙劑
歌曰 絞腸痧痛非常節象仙方效最良鬱

細擇香荆芥穗三匙細末和茶漿
以上七方俱屬此條

十一號屯象方

三稜 蓬木 白芥子 延胡索 茴子各一
錢 枳殼 青皮 烏藥各八分 紅花七分

香附子四分 水煎稍冷服
此方專治痧氣內攻之劑

歌曰 屯象祛痧氣內攻蓬稜白芥枳延紅茴
青烏藥同香附任是盤腸一劑通

十號既濟方

花 香五錢 牛膝二兩 大紅鳳仙花 紅桃
花 紅花各七錢 白茯苓一兩 爲末 砂糖

調童便冲服

此方端治痧毒中腎之劑

歌曰 既濟方除中腎症 梓牛桃葵鳳仙花 紅

花共末 同調和童便冲末效可誇

鬱金 沉香 木香各一錢 烏藥三錢 枳

香二錢 細辛五錢 每末三錢 冷水服

此方端治痧氣寒凝之劑

歌曰 痧氣寒凝草象方 鬱沉烏枳木 辛將共

來爲末 三錢服定

使陰寒見太陽

十號豐象方

三稜 蓬朮 荷子 青皮 烏藥 檳榔
枳實各一錢 水煎服

此方端治痧症用于食積者

歌曰 豐象多絲食積因青烏 荷實與蓬稜 查

振神曲能消食水

二煎成取八分

十號明夷方

蘇辛 大黃 枳實 厚朴 桃仁 青皮
火麻仁 等分水泛丸每服一錢 重者二錢再

重者三錢 燈心湯稍冷下
此方端治痧症大便乾結氣血不通煩悶壅盛

昏沉者

歌曰 明夷乾結便難通煩悶昏沉氣血壅塞
寔將軍辛厚朴二仁木瀉滯消融
此首歌肉無青皮有瓜蒌

十號師象方

三稜 蓬朮 厚朴 山查 枳實 薤白
連荷 青皮 陳皮 細辛 等分水煎服

此方治 治痧症氣食壅盛者
歌曰 師象連前有七方紋腸痧肉療多般青

陳查朴 蓬稜薤白
子連荷與細荷

十號艮象方

五靈脂 蘇子 山查 神曲 青皮各一兩
蓬朮 厚朴各八錢 三稜 枳實各七錢

薤仁 烏藥 姜黃各五錢 沉香 木香各
三錢 阿魏二錢 丁香一錢 水泛丸每

錢紫荆皮湯下
此方專治痧症食積成塊痛而不已推上移下

日入吐 噎膈筋脈抽掣之症
歌曰 艮象抽筋手足疼青筋脹起筋粗痕三

香查荷 神靈薤白藥蓬稜朴寔青阿魏姜黃枳
治塊九吞十粒紫荆皮 三香沉木丁也

十號賁象方

木香 檀香 沉香 等分爲末每服五分砂
仁湯微冷下

此方端治過飲冷水痧不愈者
歌曰 資象皆由飲冷過三香末服暗痧多皆
因暑熱寒水受凝
結于中毒阻何

十號大畜方

白茯苓二兩 澤蘭 姜黃 蜀子 山查
茜草 土貝母各一兩 元胡索 五靈脂各
兩五錢 檳榔七錢 金銀花八錢 烏藥
青皮各六錢 桃仁一兩二錢 每末一錢溫

酒下
此方專治食積瘀血痧毒凝滯成塊日久不愈

之症
歌曰大畜能消積食瘀毒凝成塊久難除澤蘭

白茯苓黃蘗茜草青板烏藥俱查肉銀花土貝

母桃仁胡索五靈脂

十二號損象方

沒藥三錢 細辛四錢 白茯苓 元胡索
桃仁各一兩 樟香三錢 每末一錢酒下

此方端治血鬱不散之症 暗痧難識為病亦

多故立資損大畜三方 暗痧難細辛沒藥桃仁樟元

歌曰 損象血鬱不能散細辛沒藥桃仁樟元
胡白茯苓酒水調已上三方痧屬暗
又歌曰角弓痧腹最難醫痰喘昏迷不醒時
腹中半分辨治放痧去血復何疑

二十號 睽象方

枳實 枳子各一兩 餅金二錢 烏藥 連
喬各八分 共為末茶清稍冷服

此方治氣鬱悶之劑

歌曰 睽象方原開餅問喬烏藥定餅金施丹
參查肉銀花佐共末茶清冷服之 此首歌內
有加味

二十號 腰象方

刺蒺藜 獨活 桃仁 蒲黃 紅花 元胡
索 烏藥各一錢 枳壳七分 香附三分
水煎微溫服之

此方專治痧症因于血鬱者

歌曰 腰象專攻血鬱症桃仁獨活壳蒲黃元
胡白蒺烏香附牛便貝母強

二十號 中孚方

紅花 青皮 蒲黃各一錢 香附四分 枳
壳六分 貝母二分 水煎溫服

此方治血痰之症

歌曰 中孚專治血痰疴只附青紅枳壳蒲已

上落弓宜選用昏

二十號 漸象方

陳皮 青皮 山查 厚朴 烏藥 等分水
煎冷服

痰多加貝母白芥子 頭汗加枳寔大黃
痧筋不現加細辛荊芥 口渴加薄荷花粉

血瘀加香附桃仁延胡索

此方專治痧症因氣阻者

歌曰痰潮噤口語無聲氣阻咽喉閉塞成潮

象青陳查紫朴延胡香附可回生

又歌曰痰涎壅盛撲驚病莫認喉驚藥用差震

像解方來救治外吹內服妙堪誇

天竺黃礪砂各二錢硃砂一分元明粉

八厘水片五厘共為細末吹喉中

此方專治痧症咽喉腫痛

歌曰震象咽喉腫痛頻硃礪冰片竺元明細

研吹入喉中好搜錫之聲一旦寧痧脹之害

甚于喉風

劉寄奴荆芥紅花茜草丹皮赤芍

各一錢烏藥五錢香附三分茯苓八分

水煎溫服

此方專治血滯之症

歌曰豫象方醫血滯疑寄奴茜草茯苓荆紅

花赤芍丹皮共香附還同烏藥并

牛蒡子蘇梗薄荷甘菊貝母金銀

花連翹枳殼各一錢枯梗五分烏藥

四分水煎微溫加童便服

此方專治痧症咽喉腫痛

二十一號解象方

六號豫象方

五號震象方

二十號恒象方

歌曰 解象咽喉隔命焦牛夢根壳枯近荷菊
花薔枝金銀貝烏藥須添鹽即清
大腹皮黑豆湯泡洗 廣皮 細辛 藜子
煎明 麥芽各一錢 山查二兩先煎湯代水

二十九號升象方

此方治治氣食積中飽悶腹中絞痛
歌曰 遠移為病有多端面象方中大腹前細
麥散束先六味山查湯汁更煎魚
蘇木二兩 刺黃散 元胡索 桃仁 紅花
各一兩 獨活三錢 梓香 姜黃 赤芍
各六錢 五靈脂七錢 大黃五錢 香附
烏藥 三稜 蓬木 陳皮 青皮 角刺各
四錢 每末 錢酒下

三十號井象方

此方治治血瘀每血瘀成塊堅硬突起不移者
歌曰 滿跡跌則最稀奇緊閉牙關事不即升
象血瘀堅 塊延蘇獨活梓香蓬木等共研
黃附烏藥青皮角刺宜更有三稜蓬木等共研
細末酒相資 二黃姜黃大黃也
蓬木 紅花 澤蘭 桃仁 烏藥 桔梗
川青 牛膝 水煎溫服

此方治紫泡疹之劑
歌曰 紫泡成疹怪異多若求井象免沈疴澤

三十號大過方

蘭芎桔桃烏藥牛膝紅花木用義
香附 蘇子 枳榔 山查 陳皮 薄荷
連翹 各等分 木香 磨二分 水煎加砂仁末

五分冲和劑冷服之
此方專治痧症食積氣阻之劑

三十號隨象方

歌曰 大過方 醫蛔結傷皆因氣食痛難當
陳查 蘇砂 香附 薄荷 連翹 與木香
赤芍 陳皮 桃仁 枳實 茵陳 黃芩
瓜蒌仁 金銀花 山梔 連翹 各一錢 大

黃三錢 水煎微溫服
此方治痧症毒結于大腸之劑

三十號與象方

歌曰 與象方 治通體似姜黃隨象除瘀結大腸青
赤芍 蘇砂 枳實 茵陳 黃芩 大黃 當歸
木香 沉香 各五錢 砂仁 藳子 各八錢
檀香 三錢 五靈脂 六錢 水泛丸 每服五分

白湯下
此方治過服冷水痞滿者

三十號小畜方

歌曰 小畜方 治痞塊成形痞悶多單求異東莫能過三香
香附 砂仁 共再入靈脂 磨細 桃仁 大黃 貝母
西查 赤芍 青皮 五靈脂 各一錢 水煎

三十家人方

微溫服 此方治痧症因于血食者 謁曰 小畜同前因血食桃紅貝附青查赤靈 脂還共大黃煎氣滯血凝全沒得 歸尾 枳殼 赤芍 各一錢 山查 龍子各 二錢 厚朴 八分 水煎微冷服

三十益象方

此方治能消食順氣和血 謁曰 身重消熱解毒先家人氣順食消兼朴 查薑充同歸尾赤 芍相和用水煎 蘇木 桃仁 紅花 各一錢 青皮 八分 烏 藥 四分 獨活 六分 劉寄奴 一錢 白蒺藜 一錢 二錢 水煎微溫服

三十无妄方

歌曰 益象同前因血結桃仁蘇木并紅花寄 奴白蒺藜青烏獨轉側如常不用嗟 藏子二錢 枳殼 防風 山查 連喬 赤芍 金 銀花 各一錢 水煎稍冷服 元胡索 炒枳 壳 桔梗 各七分 水煎稍冷服

歌曰 无妄兼寒食血成防延枯壳腹查枳 烏赤芍銀花共沉 暑冲心痧發昏

三十號 噎噎方

桃仁 蘇木 烏藥 香附 白痰 藜末 獨
活 澤蘭 山查 水煎微冷服

此方端治痧症初起傷寒
歌曰 噎噎頭疼發熱攻類傷寒症最為因桃

蘇烏附 澤蘭 獨
活山查 可奏功

三十號 頤象方

柴胡 蘇子 山查 連翹 紅花 枳壳
荆芥 花粉 熟大黃 二錢 水煎冷服

此方端治先因傷食發熱口乾等症
歌曰 頤象方因傷食先口乾身熱症同前柴

馬查 煎紅制粉 枳

四十號 蠱象方

射干 馬兜鈴 桑皮 桔梗 薄荷 天花
粉 元參 貝母 枳壳 金銀花 甘菊

等分 水煎溫服 嗽甚加童便沖服

此方端治痧似傷風咳嗽
歌曰 蠱象傷風咳嗽痧兜鈴桑桔貝銀花射

四十號 離象方

青皮 厚朴 枳壳 柴胡 貝母 知母
藿香 茯苓 陳皮 葛根 水煎溫服

此方端治痧症痰氣壅盛
歌曰 離象之痧瘧疾兼熱寒迷悶寒疾是葛

柴知亮青陳朴板

四十號旅象方

貝母二錢 姜黃一錢 細辛 紅花各八分
青皮 厚朴各七分 荆芥六分 烏藥五分

水煎冲砂仁末五分微冷服

歌曰 旅象真頭痛有方橘紅朴細貝姜黃青

四十號鼎象方

牛膝二錢 獨活 枳壳 桃仁 連翹 澤瀉
赤芍 山查 姜黃 蒲黃各一錢 水

煎微冷服

此方專散瘀毒引火下行

歌曰 鼎象同前瘀毒除為因引火下行時荷

四十號未濟方

牛膝二錢 金銀花 丹皮 連翹 細辛
元胡索 澤蘭 白芨 蒲黃 木通各一錢

水煎冲重便微溫服

此方端治小腸經痧

歌曰 小腸疼痛伸屈難方推末濟澤蒲黃通

四十號蒙象方

天竺黃 胆星各三錢 甘草湯泛九如梧子大

每服三九白湯下
此方治痰涎喘急之症

歌曰 紫象痰涎喘急聲殊雄天竺祖南星屬
香研末牛黃共甘草湯九枚盡根

四十號 漢象方

旋覆花 丹參 姜黃 橘紅 元胡索 穿
山甲 赤芍 澤蘭 山查 皂角刺

此方治半身不遂癱瘓
歌曰 半身不遂癱瘓來攻漢象丹延澤橘紅角

刺穿山查赤芍姜
黃旋覆氣平胸

四十號 訟象方

澤蘭 延胡索 赤芍 桃仁 陳皮 紅花
烏藥 獨活

此方治內傷兼癆
歌曰 訟象兼癆內傷丹烏延赤澤為蘭陳

桃獨活銀花以不畏煩勞咳嗽痰
此首歌內加金銀花

四十號 同人方

歸身 山查 紅花 枳壳 赤芍 川斷
青皮 茜草 丹參 連翹 水煎微溫服

此方養血和中之劑
歌曰 同人吐血便紅增養血和中此劑平查

此方養血和中之劑
歌曰 同人吐血便紅增養血和中此劑平查

此方養血和中之劑
歌曰 同人吐血便紅增養血和中此劑平查

此方養血和中之劑
歌曰 同人吐血便紅增養血和中此劑平查

四十號 九號 坤象方

白茯苓 刺芥炭 赤芍 薄荷葉 青皮
陳皮 等分水煎服

此方專治癰症氣血阻塞

歌曰 坤象同前血阻明肝心肺部惡非輕莫

薄荷葉劑

芥青皮又用陳

十五號復象方

連翹 山梔 茜草 枳壳 丹皮 赤芍
牛膝 金石斛 金銀花 草決明 水煎沖

童便服

此方專治眼目怪症痧

歌口 眼目 奇痧 復象 方捷 齧草 決明 畜銀

花石斛丹牛壳赤芍蓮加薑使良

五十一號 臨象方

羚羊角 生地 黃連 木通 荆芥 殺精
 草 赤芍 生甘草 甘菊 大黃 木賊草

羌活 望月沙 水煎服

此方端治痧毒在肝目生障翳

歌曰
臨象同前用二生連通菊賊苟羌制鈴

羊望月穀精草一着將軍眼倍明

五十號泰象方

人中白三錢 花粉 薄荷葉 細茶葉 黃連各
生甘草 兒茶

五分 冰片一分 牛黃 珠子各五厘 研

至無聲先用濃茶洗去腐肉吹之

荒

此方專治痧後牙疳

歌曰 痧後牙疳 黍象神兒 茶花粉黛 官礪牛

黃珠子 人中白 薄

荷黃連 一片水

桃仁 紅花 山查 獨活 細辛 香附

五十號大壯方

青皮 水煎 冲 童便服

此方端能行經散痧

歌曰 倒經大壯 婦人科腹脹雙紅 可奈何獨

細青紅 香附 米查 桃多用便相和 雙紅謂經

水紅及鼻紅也

五十號

四號 夾象方

桑寄生 細辛 紅花 香附 荆芥 蕨子 益母

草 細辛 神曲 水煎 冲 砂仁 末服

此方端治胎前痧症

歌曰 夾象胎前 痧所侵寄生 益母附紅 荆細

辛 藟子 兼神曲 冲

服砂仁 葉更靈

五十號 需象方

獨活 細辛 丹參 柴胡 牛膝 烏藥

山查 陳皮 金銀花 益母草 金石斛

水煎 溫服

此方專治產後痧症

歌曰 絞痛非常 產後虛消 痧需象獨 陳皮 柴

丹 益母 辛牛 藟石 斛查 烏即便除

五十號比象方

香附 姜黃 桃仁 蘇木 山查 丹參 牛膝 艾葉 紫胡 獨活 金銀花 益母 草 水煎溫服

此方當治產後痧症

歌曰 此象同前蘇木姜查桃益母艾葉香銀花牛膝丹參獨活有証邪亦不妨姜黃也

五十號兌象方

荆芥 防風 連翹 紅花 青皮 荷子 桔梗 枳殼 山查 牛蒡子

此方當治小兒痘前痧症

歌曰 痘前痧脹用心專兌象荆防桔梗看青亮牛蒡查腹子紅

五十號困象方

羌活 紅花 荆芥 木通 當歸 牛膝 青皮 連翹 蟬退 牛蒡子

此方當治痧後熱毒流連不已致成瘡瘍

歌曰 困象瘡瘍熱毒攻羌防歸膝芥喬通青皮蟬退紅花合腫

五十號萃象方

甘菊 荆芥 紅花 甘草 木通 連翹 土貝母 金銀花 牛蒡子 紫花地丁 等

此方當治痧後餘毒發為瘡瘍紅腫緣痧毒留

滯肌肉骨膝間者

歌曰 萃象同前毒發紅金銀土貝菊喬通荆

防甘草地丁紫引

用胡桃肉一宗

六號咸象方

人參 當歸 黃芪 甘草 牛膝 紅花
貝母 角刺 白芷 山查 金銀花 加胡

桃肉一個 水煎空心溫服

此方專治痧後餘毒流連氣血不能即潰者

歌曰 咸象變成惡毒症參芪歸貝草銀紅山

查角刺 胡桃 芷 莫使流連氣血攻

六十號寒象方

乳香 沒藥 貝母 雄黃 花粉 黃連各
一錢 大黃半炒半晒 赤芍各二錢 牛蒡

子錢二分 甘草七分 穿山甲土炒七分

每細末五分蜜湯下

此方專治痧後熱毒發癰發疔疼痛不已

歌曰 寒象疔疔不可當川連乳沒貝雄黃將

軍赤芍穿山甲細

末還調是蜜湯

六十號謙象方

人參 茯苓 當歸 白木 白芍 黃芪
陳皮 川芎 熟地 甘草 空心服

此方痧後調理之劑

歌曰 痧退調和謙象稱芍歸熟地芍參苓陳

皮芪木生甘草煎

六十號小過方

金銀花 土貝母 牛蒡子 白扁豆 山
藥 山查 當歸 各一錢 人參 四分 甘草
三分 胡桃肉 一枚 蓮肉 六枚 水煎空心

溫服

此方痧退後調理之劑
歌曰 小過同前調理清銀花土貝草歸參蒡

內胡梅引用明

六十號歸妹方

乾薑 三錢 枳實 各一兩 炮川烏 甘草 各五錢
新犯者一二服即愈久犯者十服全愈蓋

用甘草以助胃用薑烏以充胃凡枯黎以解毒

用食鹽以斷毒五味之妙用誠為千古之良方

若病人素本虛寒必加倍多服方能有效

此方專治屢患痧症必待全愈然後服之以絕

其根若痧氣未除切不可服恐甘者能作脹熱

者反能助邪也

歌曰 歸妹常沾要絕根待他全愈斷痧靈黎薑烏草

治痧脹應用古方十七

玉樞丹

山茱萸去皮焙二兩此味不真則藥不效
倍子洗淨焙三兩千金子霜一兩紅芽大

戟去蘆焙乾一兩半麝香另研和入三錢
右除千金麝香另研三味為末和入二味研勻

糯米濃湯和木相內轉千下分為四十錠宜端
午七夕重九日於淨室焚香修台勿令女人孝

子鵝犬見其效如神孕婦忌服每用一錠生
薑汁磨薄荷湯服升華水臨亦可通利兩次每

妨用濕粥補之

此方所治諸病開列于後

一治瘧疽發背未破時用井華水磨塗患處并

磨服之良久覺痒即消

一治陰陽二毒傷寒心悶狂言亂語胸膈壅滯

邪毒未發并瘟疫山嵐瘴氣穢瘴后并痧脹

腹寒冷水入薄荷一葉同磨下

一治急中風癱邪喝叫亂走鬼胎鬼氣無畏酒

送下

一治自縊死落水死心頭溫者及驚死鬼迷未

隔宿者並冷水磨灌下
一治蛇犬蜈蚣傷冷水磨塗傷處并服尤妙

治新久諸瘡臨發桃柳枝煎

治牙痛含藥少許吞下

治湯火傷東流水磨塗患處

治跌打損傷沙松節無灰酒煎數沸下

治年深日久近頭疼太陽痛酒磨塗患處上貼大

治諸般癰疾口喝斜唇眼掣及夜睡多涎音

節風濕手足疼痛行立俱覺艱辛風氣疼痛

並用酒磨服

一治小兒急慢驚風五疳二疳蜜水薄荷葉同

唐服牙關急藥磨塗并服

普濟消毒飲

酒黃連 元參 各二錢 牛黃 各五錢 生白陳皮 生甘

草 藍根 各二錢 馬勃 一錢 炒薑 五錢 升麻 板

柴胡 各七分 桔梗 三分 薄荷 五分 大葉

三錢 川芎 各八分 共為細末 半用

湯調時服之 半用蜜丸 含化服盡 良愈

雄黃 元參 瓦上焙 各五錢 炒貝母 乳香 土炒

川連 羚羊角 犀角 炒珠 四分 硃砂 五

藥各三錢 青黛 二錢 珍珠 四分 硃砂 五

錢 牛黃 冰片 各二錢 共研細末 再將

牛黃八寶丹

仙方腦麝丸

金銀花 紫花地丁 甘菊各二兩 甘草五錢 長流水五碗 砂鍋內慢火煎至半取汁渣絞乾桑柴火熬膏人煉蜜蓋許再熬粘筋和丸每丸重三分幼者一丸大人二丸蜜湯服此方端治痧症發狂發身赤紫痧後惡毒瘡瘍皆能消化

黃藥子 白藥子各三錢 花粉二兩 黃連一兩 研末篩止用頭末 木香三錢 沉香二錢 麝香五分 龍腦三分 豬胆汁九每九重一分

此方專治山嵐瘴癘解茶痰酒渴除伏暑退心熱止喉疾開目毒及赤白痢一切火症功效如神并將兼治之症開列于後

一治痧氣痰渴老年痰火臨臥含三九
一三伏時行路含一丸口不渴且消暑氣如感大熱用五九或七九同好茶一撮鹽梅一個

打碎以井華水調服

一治心熱頭疼用三五九含化

一治赤痢用七九茅根汁同搗服白痢用七九

同茶葉並梅核服

一治痧脹面赤身熱痰喘氣急不省人事服之即愈

蘇金九

附沙五靈脂一兩 元胡索八錢 木香 金貝有兩研 雄黃各三錢 生 砂仁各 五錢 神曲 九每三十九或四十九用自已 口中津唾嚥下

此方治隨常痧症腹痛一服見效兼治九種 心疾

潤下丸

酒製大黃四兩 黑丑頭末炒二兩 牙皂煎 汁和九鳳仙子大每服一錢或錢半至二錢燈 心湯服

此方治大腸燥寒二便秘結痧毒壅盛者 此丸不但潤

腸利小便

煉石丹

千年石即陳石灰水飛一兩 松根石即真琥 珀三錢 水骨石即滑石水飛二錢 水泛為 丸 表熱燥煩者青黛為衣 眩暈心悶者珠 砂為衣 每服二錢重頭虛寒湯下

如聖散

燒紅三分 每末二錢溫酒調下如不能止再 服一錢

此方可補痧脹所不逮 兼治當心痛遍身骨節牽疼或嘔吐惡心不時 發作者并疝氣勞損等症

失笑散

五靈脂去砂土炒 炒蒲黃 等分每末一二錢溫酒調服

此方治男婦傷寒發狂服此永不發兼治血迷心竅不省人事婦人產後心腹絞痛

及腹瘀血作痛者

白虎湯

熟石膏五錢 知母三錢 甘草一錢 粳米一握 加竹葉名竹葉石膏湯

此方治傷暑發痧神效 兼治溫病身熱白汗口乾脈洪大及霍亂一切暑病

解曰病在陽明肌肉則巨陽之表邪已解矣故外不惡寒又無頭痛身疼之症但自汗出而發

熱也經曰熱淫所勝佐以苦甘以知母甘草解熱也熱則傷氣用粳米甘草之甘以益氣且治

不得眠而煩躁也煩者肺也躁者胃也以石膏為君佐知母之苦以清腎之源因石膏體堅而

重堅知母泥寒而走下故用米草之甘以緩之使不遽達于下焦也名之曰白虎者以白虎為

西方金神而司秋令暑火之氣至秋而衰且知母之苦寒又能保太陰肺金之氣故名之曰白

虎以為三陽經一解表藥耳雖是三陽經解表切記有汗當施無汗當戒也蓋無汗者必須藥

益元散

葛升麻以解其表邪不可見其身熱誤用白朮以遏其熱而使之內陷也
滑石六兩 加砂名辰砂六一散 每末三錢暑月涼水調服
此方端清暑熱利小便止渴除煩降火利竅之劑也

大羌活湯

余治小兒身熱咳嗽微帶驚風者用燈心湯調服之屢屢有效
防風 防己 羌活 獨活 蒼朮 白朮 黃芩 黃連 細辛 炙甘草各一兩 川芎 知母 生地各二兩 俱咀片每用一兩半水煎得清藥一大盞熱飲之不解再服
此解利兩感神方也若痧症與此相似亦以此方加減而選用之
經曰兩感者死不治一曰太陽與少陰俱病頭痛發熱惡寒口乾煩滿而渴太陽者肺也自背俞而人人所共知少陰者臟也自鼻息而人人所不知也鼻氣通于天故寒邪無形之氣從鼻而入腎為水水流濕故腎受之又曰天之邪氣感則害人五臟以是知內外兩感臟腑俱病欲表之則有裏欲下之則有表表裏既不能一治故死矣然所稟有虛寔所感有淺深虛而感深

治腋香櫟丸

者必死寔而感淺者猶或可治治之而不能救者有之矣未有不治而得生者也

陳香櫟四兩 土白廣皮 醋三枝 醋蓬木
澤瀉 茯苓各二錢 淨查肉各一兩 炒麻子
六兩 青皮去穢 淨查肉各一兩 神曲糊
丸每服五六十九米飲下

加味活命散

此方或水或氣或食俱治

土炒穿山甲 金銀花 大黃各二錢 去白
陳皮 歸尾各錢半 花柳 薄荷 赤芍
生地 白芷 沒藥 乳香 甘草節 防風 貝母
各一錢 沒藥 角刺各五分 水煎空心服
忌醋并諸毒物

此方端治癰後一切留滯熱毒發為腫毒發背
疔瘡其加法開列于後

毒在背加皂角刺一錢半

毒在面加白芷一倍

毒在胸加瓜蒌仁二錢

毒在頭項手足加金銀花五錢

祛瘰癧丹

此方之妙即非瘰癧尋常發毒亦可用

厚朴 蒼朮 羌活 防風 陳皮 枳殼
香附 牛蒡子各一錢 枳殼 白芷各八分

加減聖效散

藿香 川芎各五分 細辛四分 甘草三分
加蔥白 加減法開列于後
無汗加蘇葉薄荷 口渴加花柳葛根
身重汗出加防己石膏 溫瘧加柴胡半夏
大便秘結加大黃 頭疼加川芎
遍身疙瘩腫痛加藍葉姜蚕大黃
肌肉發紅黑紫加元參青黛連翹
先中暑又中暑加白虎湯香薷
咳嗽涕唾頭目昏眩加旋覆花荆芥
風溫身體灼熱加黃芩黃連黑山梔
此本方端治感受時行不正之氣瘟疫痧瘴男
婦老幼皆同者
厚朴 藿香 防風 製蒼朮 桑葉
胡荽 獨活 澤瀉 枳殼 石膏 蒲黃 細辛各
五錢 枳殼 陳皮 炒砂仁 炒薏苡子 元
胡索各八錢 草薢仁 去壳十枚 共為粗末
每服五錢不計時煎溫服取遍身微汗即愈時
氣不和空心飲之可辟邪疫 原名聖散子即
東坡守杭時設劑療疫全活萬人之方也如有
痧症相類者用此以治之亦無不效
此方端治傷寒時行疫癘陰陽兩感表裏未詳
或外熱內寒或外寒內熱肢節拘急頭項腰脊

硫礬丸

疼痛發熱惡寒嘔逆喘咳鼻塞聲重及飲食生
冷傷在胃脘胸膈飽滿腸腹脹痛心下痞結手
足逆冷腸鳴洩瀉水穀
不消小水不利等症

明礬 硫黃 各四兩 先將二味用豆腐漿在
砂礬內煮一日夜取去豆腐渣仍入礬浸火熬

至乾燥礬盛二藥埋地深三尺三日夜取出礬
硫磺化紫金色再下一層有泥渣不用然後再將

茯苓 山藥 各二兩 同蒸晒露一宿 酒炒

當歸 酒炒 白茯苓 各四兩 烏藥 各炒 熟

半夏 三兩 杏仁 焙 肉桂 半 去白陳皮 一錢

炒小茴香 各一兩 棗肉 九清 晨鹽湯下一錢

半臨臥白湯下一錢

此方為斷除痧根之神劑 有人病痧十年或

十日半月或一季半年發則痛不可忍叫喊驚

人隨卽暈死或用探吐或用醋炭熏鼻并用華

陀危病方畧得解醒後用此丸全愈遂得除根

此病已入骨髓百無一救今幸而得此且余屢

用而多效真神方也

附華陀危病方 吳黃 木瓜 食鹽各五錢

同炒焦 用砂礬盛水三杯煮百沸隨病人冷

熱任意服之卽甦

又痧脹隨宜便用救急小方十九

陰陽水涼水滾水各半或井水河水各半

細辛爲末砂仁湯冷調服

此治氣阻受寒痧

晚薑沙爲末白湯冷服

羊糞一把滾水泡蓋一時取上面清湯冷極服之

白沙糖攪梅水服黑沙糖亦可

童便連飲數碗

泥漿水

路上受暑痧用仰天皮水攪澄清飲之

萊豆湯稍溫服做萊豆粉泔水亦可

麻油一盞灌下牙關緊挾口灌之

蘆根湯微溫服

菜油二兩麝香一錢昏迷不省欲死者灌下立甦

蘿蔔茶作湯飲

伏龍肝泡水飲

生豆腐漿服碗許

絲瓜葉搗汁飲之亦可治霍亂

生黃豆細嚼不豆腥氣可用辨試是否痧症

芋苳連皮毛生嚼是痧便不麻口可用辨試

燒鹽湯待冷不拘多少灌下探吐

以下二方乃吐新食阻隔痧毒之法必多飲方吐

明礬研末陰陽水調服二錢亦可探吐多則用至三錢

以上六十四方古方十七小方十九皆錄養吾原本